

MOGOKONG, TŠIE, BOJANE, PHATAKALALA

Ke a go leboga, Ngwanešu Neville. Ke lemogile ba tšwetšepele ba sepediša segodišantšu se sennyane, goba bolumo. A le kgona go nkwa gabotse? Seo se kaone. Mo...Ke a le leboga.

Tšitišo ye nnyane, feela dinakwana di se kae tša go feta, e bile, ngwanešu o phakile koloi ya gagwe ka lefelong la phošo ntle fa, gomme batho, ke a nagana, ba nyaka a e šuthiše. Seo ke se e bego e le sona. Gomme o...

[Ngwanešu Gene Goad o bolela le Ngwanešu Branham ka digodišantšu—Mor.] Se godimo mo? Go reng ka nna go tima se? Le kgona go nkwa gabotse? Ke... Yeo ke polelo ya Kentucky, “Re be re gobola sethokgwa sa phošo.” Ke be ke lebeletše ka go segodišantšu se, gomme se se swanetše go ba sona. Seo se lokile. Ke a go leboga, Ngwanešu Gene. Bjale, lehono, ke...

² Re thabile go bega kopano ka—ka Middletown, Ohio, beke ya go feta, goba beke pele ga ya go feta, ke yona, bjale. Yeo e be e le nako ya letago go rena. Re bile... Oo, diphuthego di be di se tše kgolo kudu. Eupša e be e le ntle ka nageng ka lefelong ba go bitsago Chatauqua, tsela ntle, dimaele tše seswai goba senyane go tšwa toropongkgolo. Eupša go—go dula go pakelane ntle, gomme go swere batho ba dikete di se kae. Ga ke kudu go lešaba la go lekanya. Gomme kafao selo se segolo, e bile, Jesu o kopane le rena, gomme seo ke se karolo ye botse. Gomme e tlišitše dipolo tše kgolo, go Yo re mo fago tumišo, Morena Modimo, go re direla se.

³ Gomme go be go le ba bangwe ba batho ba bakaonekaone nkilego ka kopana le bona bophelong bja ka, ka nageng yeo. Gomme go beng gore re kgauswi kudu le mollwane fa, nka bolela se, ba be ba le diphesente tše masomesenyane senyane tša Makentucky. Se sengwe le se sengwe godimo kua e be e le Kentucky. Ngwanešu Sullivan o rile, “Ngwanešu Branham,” o rile, “a o a tseba, bohole, e ka ba moedi wo monnyane wo o kitima godimo go kgabola fa, ke Kentucky?”

Gomme ke rile, “Ke—ke be ke sa tsebe seo.”

O rile, “Ee, ke bona.”

⁴ Gomme bošego bjo bongwe ka kopanong ke nno direga go bolela, “Ke ba bakae ba lego mo go tšwa Kentucky, phagamišetšang diatla tša lena godimo.” Ka lebelela go dikologa,

ka gopola, "A e ka ba yo mongwe a tšwago e ka ba kae gape?" Feela gohle go otloga, Kentucky.

5 Gomme dipolo e be e le tše botsebotse, dipego tše ntši kudu! Fao go be go le mo—mo mokgomana, maabane, yo a bego a etla go kgabola, o fetile kgauswi le go mpotša ka dilo tše dingwe tše di diregilego, le mangwalo a etla ka gare, le mabopaki a go fapan. Gomme ka gona go be go le...

6 Go na le mokgomana morago fa tsea dikgatišo gonabjale, gomme o rile, bosegong bjo rilego, ke a dumela o rile "bošego bja go feta," ge ke be ke rera ka ntšu ye nnyane. Gomme o boletše gore... Ka mothalong wa ditlhatho, goba e ke no ba e bile ka phuthegong, nka se bolele feela ke efe, eupša go be go le monna yo a tlilego godimo go tšwa batheeletšing. Gomme Moya wo Mokgethwa o thoma go bolela le yena, le go mmotša gore o be a sa tšwe nageng yeo, eupša o be a etšwa Indiana, lefelo le lengwe godimo ka Indiana. Gomme o boletše gore, "Ga se o eme mo bakeng sa wenamong. O eme mo bakeng sa lesea le lennyane la gago, feela dikgwedi di se kae bogolo, mohlomongwe dikgwedi tše tharo," le se sengwe boka seo. Gomme le be e eya go dirwa karo, gomme pelo e ile ya swanelwa ke go tšeelwa ntle. Gomme e be e le se—se seemo sa go šokiša; maswafo a lona a mannyane a be a rurugile, sefega sa gagwe; mpa ya gagwe ye nnyane e be e wetše tsela ka garegare. Gomme o mmoditše go ya gae, e sego go belaela; eupša ge a ka se belaele, o tla hwetša lesea la gagwe gabotse.

7 Bjale, hlatse e no ba ka kamoreng ya go latela mo bjale, gomme mohlomongwe lesea ka go batheeletši, go tšohle ke di tsebago. Maswafo a lesea le lennyane a ile tlase sekeng, gomme mogodu wo monnyane wa tla godimo sekeng. Gomme monna yo a tšeago direkoto ka mo, tša ye tee ya ditheipi mosong wo, o tlisitše mme, tate, le wa gagwe... moagišani yo wa mogatišatheipi, gomme o ba tlišitše ka gare, le go tliša lesea, le go bea lesea go kgabaganya kamora, le go bapala theipi, se e bego e le O RIALO MORENA. Gomme o boletše gore ge ba fihlile lefelong moo mokgomana a tlilego go itliša yenamong mo sefaleng, o rile, "Moya wo Mokgethwa o tlie ka kamoreng, ka gore fale go dutše lesea le lennyane thwi fale, le hlaletša le go bapala, le go ya pele." Go be go sa hlokege karo. Dingaka di be di se tša swanela go šoma. Morena o dirile karo godimo ga lesea, ka a Gagwe a magolo, Maatla a magolo. Gomme lesea le lennyane le dutše fale, le bapala godimo ga malao a mannyane, le—le mme le tate ba dutše fale, gomme moagišani yo a ka bego a bile go gonorwa gannyane ka selo ka moka; go be go le Bogona. Ge yeo e se tumelo ya boapostola, ga ke tsebe ke eng.

8 Le a tseba, Beibele e rile, ge Jesu a bile, ka moapostola Petro le Johane, ba fodisitše motho wa segole mo kgorong, "Ga se ba kgone go bolela selo kgahlanong le yona, gobane monna o be a eme fale bjalo ka hlatse." Kafao, Kriste o sa phela. Tumišo e be

go Leina la Gagwe. A khomotšo ye e lego ka go matšatši a! Bjale, bjoo e no ba bjo bongwe bja bopaki bjo bontši. Eupša se se lego ka letšatšing le, go hwetša gore Modimo wa go swana, ka ditiro tša go swana tše botsebotse, dilo tša go swana tše A di dirilego, O e dira feela ka tsela ya go swana lehono, gobane O a swana maabane, lehono, le go ya go ile. Re thabetše go ba le monyetla go kgobokanywa mosong wo Leineng la Gagwe.

⁹ Bjale, re rapedišeng ge re sepela go tloga lefelong go ya lefelong, go hlankela Morena ka go leemo leo A tla re bitšago. Gomme re thakgetše gore ga go feela go tšwa tabarenekeleng fa, eupša go tšwa gohle go dikologa, godimo ga naga.

¹⁰ Ke a go leboga, kgaetšedi. Seo e be e le selo sa go botega. Ke a tseba gore Modimo yo mogolo wa Legodimo o go bone o dira selo sa go swana. Mohumagadi, yo moswa nthathana kudu go feta yo mongwe, a dutšego fa. Gomme mosadi yo a bego a le tšhemong bakeng sa Morena, mengwaga pele ke tswalwa, yena le monnamogatša wa gagwe; masometlano le metšo a mengwaga, ba rera Ebangedi. Yena a šoma ka moepong wa malahla, go mo thekga mo tšhemong, go rera Ebangedi ye ke e emetšego. Mosadi yo mogolo o be a dutše ka pele, a se na le sefehlamoya, a phumola kudumela go tloga sefahlegong sa gagwe; mosadi yo moswa o a emeleta gomme o a tla gomme o tliša sefehlamoya sa gagwe. Kafao, ke a le botša, ke thakgetše go kgobokana mosong wo le batho boka bao, go ntira ke thakgale gore ke Mokriste, le go kgobokanywa le batho ba Bakriste.

¹¹ Bjale go fiša kudu ka nageng ya rená, le gohlegohle nageng bjale. Gomme re lebeletše pele go go tla ga lehlabula, ge go tla folanyana. Kopano ya rená ya go latela ye kgolo ye re tsebago ka yona e ka San Jose, California. Fao ke mo re bego re le mabaleng a dipontšho matšatši a se makae, gomme go be go le kgobokano ye bjalo, re be re sa kgone selo boka go ba hlokomela. Gomme dihlopha tša go swana di thekgago dikopano di a tla bjale ka mabaleng a dipontšho ka San Jose. Gomme re a tshepa gore ge o phela kgauswi le fao, goba bagwera, ngwala gomme o ba botše ba be ka kopanong. Ge go se bjalo, re rapedišeng.

¹² Bjale, lehono, ke boletše gore ke be ke swanetše go ba fa mosong wo, go kopanela ka dithapelong le dikolomelo go Morena, le lena batho bohole. Gomme ge go na le basetsebje ka magareng ga rená, re maswabi gore moago wa rená ga o ne selaolamoya, eupša re no ba kereke ya go diila, ka go dilo tša lefase, eupša go huma ka Tumelo ka go Mušo wa Modimo. Gomme re a go amogela bakeng sa ketelo ye kopana ye, rapela gore o tla bowa morago le go ba le rená gape. Letšatši le lengwe re holofela go ba le kereke ye kaonekaone.

¹³ Ga re kudu go meago ya kereke mo matšatšing a, gobane ka therešo re a dumela, ka pelo ya rená yohle, Morena Jesu o etla ka pela. Gomme ge baromiwa ba le tšhemong, ba rera Ebangedi, ba

se ba rwala dieta, ba eja dijo tše tee ka letšatši, re ka kgona bjang go aga kereke ya ditolara tše milione mo selebaneng sa yeo? Ke— ke no se kgone go e bona, gomme morago ke re, “Morena o etla ka pela.” A re yeng ka tšhemong gomme re dire se re ka kgonago ka go moloko wo. Ge eba go ne yo mongwe, a nke . . . Ba tla arabela tša bona; re tla swanela go arabela bakeng sa ye. Go no se kgone go ya meago yela ya milione wa ditolara, le go ya pele, morago ga go ba tšhemong le go e bona.

¹⁴ Bjale, ke mo go bose. Ke nagana ntlo ya Morena e swanetše go ba ye botse. Gomme e swanetše go ba le—le lefelo le lekgethwa le lennyane. Go e dira go iketla le bobotse ka mo go kgonegago, eupša e segó e ka ba eng go feteletšathoko, gobane ga re kwešiše seo.

¹⁵ Bjale pele re rapela le go bala Mangwalo, ke nyakile go fa . . . e segó go rera mosong wo, eupša go fa thutofahlošo go Mangwalo. Gomme ka mehla go tla . . . Ke dira feela se ka kerekeng ya ka mong, gomme re ka kerekeng ya rena. Ga se rena kerekeleina. Re kerekemohlakanelwa, ka tlhago, gomme ga ra ingwadiša le dikereke e ka ba dife ka methalang ya kerekeleina, eupša re amana le badumedi bohole ba dikerekemaina tšohle le batho bohole go kgabola lefase lohle. Kereke ya rena ye nnyane, mosong wo, e tsebega gohlegohle lefaseng. Ditheipi tše le . . . Melaetša ye, go no rengwa godimo bjalo ka ge e le, efela re a thekga, go mašemo a boromiwa, (ke ditšhaba tše kae tša ntle tša go fapanā?) ditšhaba tše lesomesenyane tša ntle, feela go ditheipi di nnoši.

¹⁶ Ditšhaba tše lesomesenyane tša go fapanā di tše Melaetša le go e fetolela. Yo mongwe, bjalo ka ge ke rera, yo mongwe o ema fale a rera thwi le yona. Gomme ba ya ka mengwakong le mafelo ntle moo Modimo ebile a sa tsebjego, le go rerela bahetene, le ka go badudi ba setlogo ba Afrika le Amerika Borwa, le gohle go dikologa lefase, gomme makgolo atiša ka makgolo ba tla go Morena. Ba bantši ba a fodišwa. Gomme leo ke lebaka le re ikwelago gore ka gohle go bohlokwa go gatelela Molaetša, e segó ka meago ye megolo le go ya pele.

¹⁷ Gomme ka gona ge ke le mo, ke no ba le tlhahlo go Lengwalo. Eupša, ntle ka tšhemong, ga ke rere Dithuto tše di itšego tša kereke, ka gore, go dira bjalo, go e dira ye thata. Batho ba tla re ya ka “Thuto ga se nneta,” goba se sengwe boka seo. Gomme ge o rera e tee . . . Ge ke rera thuto ya Methodist, Mabaptist a tla ganetšana le nna. Ge ke rera ya Baptist, gona Lutheran e tla ganetša. Ge ke rera Pentecostal, gona Manazarene ba tla ganetša. Ge ke rera Nazarene, gona kereke ya Modimo e tla ganetša. Kafao, le a bona, o swanetše go tše go emela se sengwe, eupša, ka go sekoupo sa tšhemong ya tirelo, re no amogela modumedi yo mongwe le yo mongwe, ga go kgathale se thutotumelo ya gago goba kerekeleina e lego. Ge feela o tswetšwe gape ka Moya wa Modimo, o ngwana le kgaetšedi wa rena. Gomme ka mehla re ikemišetše go e boloka bjalo.

¹⁸ Gomme ka gona, ge Morena a rata, lehono, ke nyaka go rera, ka kerekeng ya rena, kereke ya rena e eme go Thuto ya Beibele, se kereke e se emelago, gomme gobaneng re dira se. Gomme go direng bjalo, re tlemega go hlola goba...ga re re re go, eupša re ka no hlola dipotšišo ka monaganong wa yo mongwe, o re, “Gabotse, ga se nke ka rutwa go se sebjalo, goba go Se dumela ka tsela ye *bjalo le bjalo.*” (Ke a leboga.)

¹⁹ Gomme ge go direga bjalo gore o tla...kereke ya gago ga e dumele, goba ga le dumele feela dilo tše re bolelago ka tšona bjalo ka Thuto ya rena ya kereke, re a tshepa gore go ka mokgwa wo e ka tlišago sekgopi. Ka baka la gore, yona kgato ya mathomo ya go atlega go Bokriste, le go laetša gore monna o amogetše Moya wo Mokgethwa, ke boikokobetšo, boikokobetšo bjo bo filwego ke Modimo ka nneta, gore O swanetše go fiwa ka go kokobela. Eupša, go le bjalo, kereke ntle le Thuto e no swana le hlapisehlokamarapo; ga e na le lerapo la mokokotlo. Kafao, re swanetše go ba le lerapo la mokokotlo ka go yona. Gomme e sego gape lerapo la mokokotlo, eupša meno, gape, gobane Kereke ya Modimo e swanetše go ja Borotho bja Bophelo.

²⁰ Gomme rena, ka go tše dingwe tša ditatamente tšeо nka go di dira, ge ke leka go Le rebethela fase thata, bjale hle le se Le kwešišetše thoko. Gore, ga ke re go ba yo šoro, ka go fahloša ka Beibele. Eupša ge nna, go kgabola mengwaga ye masometharo ya go puruputša, ke sa tsee dithutotumelo goba selo eupša feela Lentšu... Go na le batho mo ba e lego Presbyterian, Katoliki, Baptist, Pentecostal, Nazarene, church of God, Pilgrim Holiness, bohole ba dutše mo. Gomme ke a tseba gore kereke ye nngwe le ye nngwe e na le thutotumelo ya yona mong, gomme ga ke nyake go tsenatsena yeo, eupša ke no leka go tliša Lengwalo ntle le go le dira le Lengwalo. Kafao gona bohole—bolele ba tla kwešiša gore ga gwa swanelo go ba makgwakgwa. E no ba ka lerato le marato, le ka kgaogelo, le ka bokaonekaone bjo ke tsebago mokgwa wa go hlaloša Mangwalo.

²¹ Gomme bjale thuto mosong wo e ya go ba mohuta wa thuto ye telele, gomme ga ke dume go hlaganelo. Ke nyaka go tsea nako ya ka bakeng sa feela se ke yago go se bolela, le go leka go se hhalosa, gobaneng re e bolela.

²² Kafao makga a mantši ka dikopanong, yo mongwe o tla re, “Gabotse, o dumela eng? A ke Mobaptist, go le bjalo? A ke Mopentecostal? A o dumela go go bolela ka maleme? Goba, a ke yena *se*, goba *selo?* A ke modumelatšhireletšo ya Gosafelego? Goba, yena ke eng?” Gomme ka gona o no dira yo motee a bolele se sengwe le se sengwe o lego sona, ba tla wa bjalo ka matapola a go fiša. Ga go kgathale, ba ka se eme go theetša, go tšeа go ela hloko, eupša ba tla go lahlela thwi ka pela.

²³ Ga go felo ka dikopanong tša ka, nako ye nngwe le ye nngwe, nkilego ka tseba go tlögela thulano ya baena. Ka mehla ke no

rera go Tla ga Morena, phološo, le—le phodišo Kgethwa. Seo ga se gobatše motho e ka ba ofe wa Ebangedi ya go Tlala.

²⁴ Ka gona ka kerekeng mo, ke na le Thuto ya rena beng. E šwahlela ntle magareng ga batho ba ba tlogo, gomme ba re, “Gabotse, ke... Ngwanešu Branham o boletše *bjalo-le-bjalo*, dilo tše.” Gabotse, re swanetše go ba le Thuto.

²⁵ Bjale, feela e se kgale ka kopanong, ge yo mongwe a botšišitše sehlopha sa badiredi. Bangwaledi ba ka le bona ba gona. A mantši, mangwalo a mantši a tlie ka gare, gomme a re, “A Ngwanešu Branham o dumela ka go—go lota goba go boloka, tšhireletšo ya modumedi?” Gabotse, ke tsebile, ka go sehlopha sa bomolao seo se bego se botšiša seo, go tla ba thata go nna go e bolela; ba tla “tloša diatla” thwi ka pela. Gomme seo ga se dire phapano ye nnyane ge eba o dumela seo goba aowa; ge feela o phološitše, seo ke kgwekgwe ya selo. Gomme ga se nke ke bolela selo. Gomme dikereke tše lesometshela tša go fapano di rothetše ntle ga thekgo ya mašeleng, le bona...ka gobane ke ganne go araba, ka lebaka la go boloka kopanelo le batho.

²⁶ Bjale, ka kerekeng mosong wo, ke nyaka go hlaloša gobaneng ke dumela se ke se dumelago.

A re rapeleng.

²⁷ Morena, Yo a tlišitšego gape Jesu go tšwa bahung, gomme o Mo filego rena bjalo ka Sehlabeledi sa lerato la Gago go rena, le ka tthatso ya meetse ka Lentšu, O hlwekišitše batho ba moswananoši, sehlopha se se bileditšwego ntle, gomme re letile ka kgotlelelo bakeng sa go Tla ga Gagwe la Bobedi. Gomme re tseba gore, ka mahlong a batho, go na le dithutotumelo tše dintši le dikerekemaina. Gomme, Tate Modimo, re tla rapela gore O tla šegofatša yo mongwe le yo mongwe wa bona. Gomme boemo bjoo ba bo emelago, le ge re ka no se kwane le bona ka go dilo tše dintši, efela, ka motheo, bjalo ka Bakriste le bjalo ka baena, re ema legetla ka legetla le bona. Gomme e sego feela legetla ka legetla, eupša pelo go pelo. Ka letšatši la go hloka kgahlego, ge batho ba le hlogothata le go ikgodiša, barati ba lefase go feta Modimo. Re a rapela, O Modimo, gore Moya wo Mokgethwa o tla tlema dipelo tša rena kgauswana mmogo, bohole, letšatši ka letšatši. Fodiša balwetši mosong wo, Morena.

²⁸ Go na le bao ba tla tsenago ka go kolobetšo ya meetse. Gomme re a rapela gore Moya wo Mokgethwa wa Gago o tla ba tlatša ka (bo) Bogona bja Gagwe ge ba se ba be ba šetše ba amogetše se sebjalo. A nke ba tswalelwé kgole go tloga go dilo tša lefase, le go tlatšwa ka Moya wa Modimo, ka lerato Kgethwa la Modimo, le ka kopanelo le banna bohole.

²⁹ Morena, tlase go kgabaganya ditšhaba tša lefase, bjalo ka ge O nthomile, monna wa go se rutege wa go šokiša. Gomme go le bjalo, Morena, go dumela ka pelong ya ka, ga Gago, dilo tše ke di dumetšego le go rutwa ke Beibele, le go tiišetšwa ke Morongwa

wa Morena Yo a emago go ba gona go tiišetša se se boletšwego, ge e le sa Modimo. Makga a mantši, batho ba naganne nna go ba moišimeletši. Wena o moahlodi wa pelo ya ka. Eupša bjalo ka Paulo wa kgale, yo ebile a rerilego Bojuda go fihla a thopa boitshepo bja batho, gomme morago a rera Kriste a mmapolwa; eupša pele go thopa boitshepo bja batho, gore molaetša wa gagwe o nokwe ka letswai. Re a rapela, O Morena, gore O tla noka dipolelo tša rena le kopanelo ya rena, ka Letswai la Moya, ka Madi a Morena Jesu, le go re dira batho bao ba biditšwego, le gore lefase le ke le lebelele le go šetša maphelo a rena, gomme morago le nyorelwé go swana le rena. Re boloke re kokobetše, le go tlatšwa ka lerato la Gago le Moya wa Gago. Ka gore re e kgopela Leineng la Gagwe Yo a rapetšego gore re be batee, gona, gore batho bohole ba tla tseba gore re be re le bana ba Gagwe, ge re na le lerato o tee go yo mongwe. Amene.

³⁰ Bjale, go lena, ke a tseba go mohuta wa borutho. Gomme ge fao go le—fao go le sefehlamoya sa leoto morago mo se ba nyakago go se tliša kae kapa kae, go ka bonala bokaonekaone, go lokile. Ke tla no rata go bala tše dingwe bjale go tšwa go Dingwalwa tše Kgethwa.

[Ngwanešu Neville o re, “Sefehlamoya se se a go tshwenya?”—Mor.] Aowa, mohlomphegi. E sego ge feela se le godimo ga lebato ka mokgwa woo. Ke a dumela go tla loka, Ngwanešu Neville.

³¹ Ke nyaka le phetle le nna ka Mangwalong, go Puku ya Joele, gomme ka gona ke na le mafelo a mmalwa mo ao ke nyakago go bala go tšwa go wona, pele, go hwetša thutofahlošo, kgwekgwe tsoko ya phahlošo. Sa pele, ka go Joele, tema ya 1, go thoma ka temana ya 1, le go bala ya 4. Gomme ka gona ka go tema ya 2, ya 25 go ya go ya 27, re tla bala bakeng sa palo ya Lengwalo.

Gomme lentšu la MORENA... le ttile go Joele morwa wa Pethuele.

Kwang se, lena bakgalabje, gomme efang tsebe, ba baagi bohole ba naga. A se se kile sa ba gona ka matšatšing a lena, goba ebile le ka matšatšing a botataweno?

Botšang bana ba lena ka yona, gomme a nke bana ba lena ba botše bana ba bona, le bana ba bona moloko wo mongwe.

Tše mogokong... o di šiilego ke tše di jelwego ke tšie; gomme tše tšie e di šadišitšwego di jelwe ke bojane; gomme tše bojane bo di šadišitšego phatakalala e di jele.

³² Gomme ka gona ka go ya 25 go ya go temana ya 27, ya tema ya 2.

. . . Ke tla bušetša go lena mengwaga ye tšie e e jelego, bojane, le phatakalala . . . mogokong le phatakalala, se sešole se segolo Ke se rometšego magareng ga lena.

Gomme le tla ja bontši, le go khora, le go tumiša leina la MORENA Modimo wa lena, yo a dirilego matete go lena: gomme batho ba ka ba ka se tsoge ba lewa ke hlong.

Gomme le tla tseba gore Ke magareng ga Israele, le gore Ke nna MORENA Modimo wa lena, gomme ga go yo mongwe gape: gomme batho ba ka ba ka se tsoge ba lewa ke dihlong.

³³ Ka gona ka go Puku ya Baroma, gomme ka go tema ya 1 ya Baroma, gomme temana ya 25, ke bala se. Re tla tšea ya 24, gape.

Kagona Modimo gape o ba file go gosehlweke ka dikganyogo tša dipelo tša bona beng, go hlompholla mebele ya bona beng gare ga bonabeng:

Ba ba fetoletšego therešo ya Modimo go maaka, . . .

³⁴ Gomme ka gona ka go Baroma, tema ya 3 le temana ya 4. Baroma ya 3, gomme temana ya 4, re a bala. Legato la pele la temana ya 4.

Modimo o a gana: . . . a nke Modimo a be therešo, gomme motho yo mongwe le yo mongwe moaketši; . . .

³⁵ Bjale re tla ka go kgopolو ya tlhokofalo ya dithuto mo. Gomme bjale re . . . ke a dumela gore go tla tla nako ya go bušetša dilo tšohle tše di šaeditšwego. Gomme re a leka, ka tšohle tše di lego ka go rena, gomme banna ba bangwe ba a leka, baebangedi ba bagolo bjalo ka Billy Graham le Oral Roberts, le ba bangwe ba bantsši ba baebangedi ba maemo, badiredi, badiša, bao ba botegetšego mošomo wa bona, ba leka go bona tsošeletšo mo nakong ya rena. Gomme lena, bana ba Modimo, le rapelela tsošeletšo ka nakong ya rena. Masome a diketekete a dithapelo a kopana le Modimo iri ye nngwe le ye nngwe, bakeng sa tsošeletšo mo nakong ya rena. Gomme go ngwadilwe ka Mangawlong, "Ge batho ba ba bitšwago ka Leina la Ka ba ka kgobokana ka bobona mmogo, gomme re tla rapela, gona ke tla kwa go tšwa Legodimong." Bjale, ge bana ba Modimo ba ikgoboketša ka bobona mmogo le go rapelela tsošeletšo ka nakong ya rena, gomme tsošeletšo ga e tle, gona go swanetše go ba se sengwe sa phošo felotsoko.

³⁶ Bjale, elelwang, gore, feela e ka ba eng e kgonago go šoma bjalo ka ge o šoma ka go molao wa selo seo. Maatla a khosmiki a ka kgonona feela go sepela go ya ka molao wa khosmiki. Dipolanete di ka kgonona feela go sepela ge di sepedišwa ke molao wa dipolanete. Letšatši le ka no hlaba go ya ka mo lefase le fetogago go letšatši. Gomme gore fao, ke, se sengwe le se sengwe se swanetše go šoma go ya ka molao wa peakanyo ya sona. Ka gore, Modimo o dirilego dilo, gomme a dira molao wa selo seo. Gomme

ka gona e swanetše go retologa, le go šoma, le go dira go ya ka molao wa yona. E ka se šome ka go nepagala ka tsela e ka ba efe ye nngwe.

³⁷ Bea ketane go tšhaene, gomme morago o e bee godimo ga ntłhorwana ya nkogoko. O ka no kgona go dira nako ye nnyane nthathana. Eupša tsela e nnoši o ka tsogego wa dira nako ya maleba ka ketane yela, ke go bea tšhaene yeo e lekanago le tšhaene yela e lego ka morago ga yona, gomme ka gona mašoba a mannyane ao ka go ketane yela go kopana, feela tlwa a bewa nakong le tšhaene, ka gona o ka kgona go ya felotsoko.

³⁸ Gomme ke na le nnète gore re na le tšhaene ya go fošagalala felotsoko. Kereke e sepela ka go nokologa kudu bakeng sa iri ye re phelago ka go yona. Go ne se sengwe sa phošo ka go fetiša. Gomme go a re swanela ka go letšatši le, ka go Tleng ga Morena ga kgaušwi, go dula fase le go ithuta se le go bona se e lego phošo, go hwetša sehlodi. O ka se tsoge wa hwetša kalafi go fihla o hwetša sehlodi.

³⁹ Ge ngaka, ge o eya ka ofising ya gagwe gomme o re, “Ke na le go opša ke hlogo, le go babja ka mogodung wa ka,” gomme o go fa aspirini ye nnyane, goba se sengwe, gomme o go romela kgole, o no leka go go tloša. Ya kgonthe, ngaka ya mmapale o tla hlodišiša taba yeo go fihla a hwetša ke setho sefe se tšwilego lenaneong, morago a šoma go tšwa go setho sela.

⁴⁰ Ke ka tsela ye go lego ka Mmušo wa Modimo. Re swanetše go hwetša se se fošagetšego, gona re šome go tšwa go seo. Mangwalo a bjalo ka taelotšhomiso ya ngaka.

⁴¹ Ngaka, borasaense ba ba šomago kudu go hwetša taelotšhomiso, le bona, ka gore go—go bolaya twatši ye e itšego, bolwetši bjo bo lego ka mmeleng wa gago, bjalo ka tengkhbedu, goba—goba bolwetši bjo bongwe, gore ba kgone go go fa moento wo o tla bolayago twatši yeo ya tengkhbedu, gomme go le bjalo e swanetše go swarwa ka tlhokomelo kudu (...?...), ka tlhokomelo bjalo o swerwe, go fihla se: ge go se gwa lekanela ka yona, e ka se thuše molwetši; gomme ge go na le se sengwe gape se oketšwago, se ka bolaya molwetši. E swanetše go fiwa ke rakhemese, feela go ya ka taelotšhomiso.

⁴² Kagona, ge go na le se sengwe sa phošo ka kerekeng lehono, gore ga e tšwelepele ka tsela ye e swanetšego, ke go mogopolo wa ka gore re swanetše go ya morago go Taelotšhomiso, re hwetša feela tlwa se e lego phošo, gore kereke ye e babja kudu gore go na le bolwetši ka kerekeng ya rena, bolwetši bja sebe. Gona re swanetše go hwetša se Ngaka a se laetšego, le go bona ge eba badiša ba rena ba radikhemese ba re fa Taelotšhomiso ya maleba. Gomme, elelwang, o ka kgona go oketša se sengwe go Lengwalo la kgaušwi ka kgonthe la go hlahluba, le go bolaya molwetši. Gomme mohlomongwe, ga ke re re na le, eupša go ka reng ge ba bangwe ba boradikhemise ba rena ba okeditše se sengwe go

Taelotšhomiso ya Modimo? Ge ba na le, ba bolaya molwetši, go ba dira ba hwele ka sebeng.

⁴³ “Gabotse, ke,” o re, “gabotse, ge ba be ba hlokofetše!” Aowa, seo ga se e fe boitshwarelelo.

⁴⁴ Monna, rakhemeso, o fa monna esiti ya khaboliki, fa mengwaga e se mekae ya go feta, feela ka tlhokofalo ka fao a ka bago, le khemise e ngwadišitšwego, gomme e bolaile monna. Efela, o be a hlokofetše. Fao ga go... Tlhokofalo, ke bone tlhokofalo magareng ga bahetene, yeo e tla dirago tlhokofalo ya Bokriste go lebega boka se sengwe moragorago ka go methalo ya go kgale. Ke bone bahetene ba ba bego ba tla bea masea a bona ka molomong wa kwena, go le dira sehlabelo go modimo wa meetse. Ga se nke ke kgona go hwetša tlhokofalo yeo magareng ga Bakriste. Ke bone batho ba ba tla robalago godimo ga dipikiri. Le go roba marapo a maoto a bona ge ba le bana ba bannyane; ke ba bone ba tšea masea le baisa ba bannyane, le go ba sega le go ba swaya gape, le go ba ntšha madi, gomme dinako tše dingwe ba ba bolaya. Tlhokofalo ya go teba, eupša ba phošo.

⁴⁵ Bjale a re hwetšeng se sengwe. Jobo, goba Joele, a ke re, ke fil... nagana o re file bokamorago bjo bogolo fa. Gomme seo ke se re nyakago go se tšea bakeng sa palo. O rile:

Le botše—botše *bana ba lena*... a nke *bana ba lena*
ba botše bana ba bona, le ba bona yo mongwe, le go ya pele, go moloko *wo mongwe*, e tla bago Bantle. Botšang Israele go tšwelapele go e bolela.

⁴⁶ Gomme bjale Lengwalo le leo Joele a boletšego ka lona le phethagaditšwe lehono bjalo ka rena, Bantle, re Le amogetše. O rile:

Sela se mogokong o se šiilego pha phatakalala se jele;... phatakalala, tšie, le go ya pele.

⁴⁷ Gomme dikhunkhwane tše, ge o ka hwetša puku ya gago ka dikhunkhwane, o tla lemoga gore dikhunkhwane tše nne tšela tša go fapana ke khunkhwane ya go swana ka boyona ka magato a mane a go fapana a bophelo bja yona. Bohle ba rena re a tseba gore—gore se—se sekophana ga se selo eupša phatakalala e khupeditšwe, gomme e ya go phaphašwa serurubele; gomme serurubele ke phatakalala pele e phaphašwa. Mogokong, tšie, le go ya pele, e a swana. Ke khunkhwane ya go swana. Bjale e ka ba eng... .

⁴⁸ Bjale theetšang sekgauswi. E ka ba eng e diregilego lefelong la pele, ka khunkhwane ya mogokong, e nno ba phatakalala, moragorago. Gomme phatakalala ya ba tšie, moragorago. Gomme e ka ba eng e bilego seo se thomilego kua mathomong, e sa le selo sa go swana seo se hlolago bothata lehono. Gomme a re boeleng morago bjale ka Mangwalong gomme re hwetše se se thomilego.

⁴⁹ Bjale, re a tseba gore re ka kgona feela go aga kereke, pele, godimo ga materiale wo Modimo a re filego go e aga ka wona. Seo ke sohle re nago le sona. Gomme ke a nagana, pele . . . Ke a tseba Se se maatla, gomme Se godimo ga theipi, makgolo a batho go dikologa lefase ba tla kwa. Eupša pele re ka tsoge ra ba le moago wa Kereke ya Modimo, re tla swanelo go bušetša morago dilo tšohle tše di dī jelego go tšwa go Lona. Re tla swanelo go ya morago le go hwetša se dikhunkhwane di se jelego. Gomme pele ga Morara wo wa Morena, Morara wa diterebe . . . Yena ke Morara; re makala. Gomme pele re ka tsoge ra hwetša, goba Kereke e ka ema ka go maatla a yona a fomale le a setlogo, re tla swanelo go ya morago le go hwetša se dikhunkhwane di se jelego. Gomme Kereke yela e tla swanelo go bušetšwa morago go seo, goba e ka se tsoge ya ema ka maatleng a yona le letagong la leemo la yona la pele.

⁵⁰ Ge sekgamathi se kgeilwa go tšwa mohlareng, re swanetše go kgamathetša morago godimo ga sona gape. Godiša sekgamathi, pele. O ka se be le diapola go fihla o godiša sekgamathi. Ka gore, sekgamathi ke mothalo wa mohlodi. Mothaloo wa mohlodi ke mothalo wa bophelo.

⁵¹ Gomme Mangwalo, Beibele ye Kgethwa ya Modimo, ke mothalo wa Bophelo go kereke e ka ba efe. Re ka kgona bjang go tsoge ra tliša mohlodi wa terebe ka sekgamathi sa mosikamoro? Se no se šome. Re swanetše go ba le sekgamathi sa Morara wa terebe. Re swanetše go ba le sekgamathi sa setlogo. Gomme go na le tsela e tee feela yeo sekgamathi sela se ka tsogego sa tla morago go Morara, ke ge Modimo a o godiša, ka Boyena.

⁵² Re ka se kgone go dira tše dingwe le go di bea godimo. E ka se šome. Ga go sekimi sa madirwakemotho se ka tsogego sa šoma. Go tla tsea tsela ya Modimo goba go ka se tsoge gwa phela. Dikema tše madirwakemotho di ka se šome. O ka no phuthela lešela go rarela mohlare, gomme wa re, “Le lese le gole.” Lešela e be e se lenanego la Modimo. E swanetše go ba sekgamathi, mothalo wa bophelo, Gomme ge e etla go tšwa medung, o tla tšweletša bophelo bja go swana bjoo mohlare o bilego le bjona pele dikhunkhwane di o ja.

⁵³ Ga go makatše re ka se kgone go ba le masolo a phodišo. Ga go makatše dikereke di kgeigile. Ga go makatše yo motee o tla re, “Oo, se, sela, le se *sengwe*,” go se dumelane kudu. Ga go makatše go na le diism tše bjalo magareng ga rena, ke ka gobane ga re kgone go enywa dikenywa tše kgonthe tše kgotlelelo, pelofalo, bobotse, bonolo, boleta. Mothaloo wa Bophelo o ripilwe go tloga Mohlareng, gomme re ka se tsoge ra e tliša godimo ka dithutotumelo tše lešela tsoko goba e ka ba lefe le lengwe la kemedi ya sekgamathi. Go tla tsea maatla a Ramaatlakamoka Modimo go mediša mohlare wola morago go leemo la wona gape.

⁵⁴ A Jesu ga se a bolela, gomme Mangwalo a rile, “Ba ne mahlo gomme ga ba kgone go bona, ba ne ditsebe gomme ga ba kgone go kwa”? Ba no se kgone go e dira. Gomme ga go motho a kgonago go tla go Modimo, goba go Kriste, go fihla Modimo a e utolla go yena.

⁵⁵ Letšatši le lengwe ke be ke bolela, gomme re be re nagana ka Lengwalo. Ke rile, “Gobaneng batho ba sa kgone go bona Leo?” Ke rile, “Sele lona,” gomme ke diregile go nagana. Ga ke kgathale Le hlakile gakaakang, Lengwalo le Le ruta bontsi gakaakang, o ka se tsoge wa kgona go Le bona go fihla Modimo ka Boyena a Le laetsa go wena; ga go kgathale gore Le pepeneneng bjang. Gomme Beibele ka moka e agilwe, gomme Kereke ka moka ya Modimo yo a phelago, e agilwe godimo ga kutollo ya semoya ya Lentšu. Gobaneng Abele a neetše sehlabelo se sekaonekaone kudu go phala sa Kaine? Gobaneng Abele a se a latela Kaine; o bile le kereke ye botse kudukudu? Eupša e utollotšwe go yena.

⁵⁶ Ge Jesu a tlie go tšwa Thabeng ya Phetogelo, gomme ba rile... .

“Batho ba re Nna Morwa wa motho ke mang?”

⁵⁷ “Yo motee o rile ‘Eliase,’ gomme yo motee o rile O ‘moprofeta,’ le go ya pele.”

O rile, “Eupša lena le re Ke nna mang?”

Petro o rile, “Wena o Kriste, Morwa wa Modimo yo a phelago.”

⁵⁸ O rile, “O wa lehlogenolo wena, Simone, morwa wa Jona, gobane nama le madi ga se tsa go utolle se. Ga se wa tsoge wa ithuta yona ka dipuku tše dingwe, goba ka seminar ye nngwe, goba seteše sa tshepedišo ya madirwakemotho. Eupša Tate wa Ka Legodimong o utollotše seo go wena, gomme godimo ga leswika le Ke tla aga Kereke ya Ka, gomme dikgoro tsa hele di ka se kgone go fenza kgahlanong le Yona.” Ke lena bao, kutollo ya semoya ya Lentšu la Modimo.

⁵⁹ Ka go Mateo 11, ke a dumela ke yona, goba 12, felotsoko go bapela fao, go ngwadilwe, seo se rilego, “Le ge Jesu a dirile mehlolo ye mentši kudu, maswao a mantši bjalo gore O be a le Mesia, efela batho ga se ba kgone go e dumela. Gobane Jesaya o rile, ‘Ba ne mahlo gomme ga ba kgone go bona. Ba ne ditsebe gomme ga ba kgone go kwa.’” Bjang? Le ge ba be ba le dirutegi, le ge ba be ba le babodumedi ba godimo; ba be ba le ba bakgethwa, gomme ba se ne phošo gomme ba se ne bosodi. Ge ba be ba hwetšwa e tee ya go fošagala, ba be ba kgatlwa ka maswika, ntle le kgaogelo. Ga go motho a bego a ka kgona go bea monwana godimo ga yeo. Ba ithutile Mangwalo, mosegare le bošego, moloko ka morago ga moloko, gomme go le bjalo Modimo o foufaditše mahlo a bona.

O re, “Modimo o dirile?” Seo ke se A se boletšego.

⁶⁰ Modimo o dira se A nyakago go se dira. Re ka se kgone go Mmotša a dire eng. A Paulo, ka go Puku ya Baroma, tema ya 8, ga se a bolela gore, “Modimo o tsošitše Faraao le go thatafatša pelo ya gagwe, o foufaditše mahlo a gagwe, bakeng sa morero wa go swana, gore thato ya Gagwe e šongwe”? A Esau o be a se? Gomme Jakobo . . . Esau, o gannwe, pele mošemane a ka tsoge a tswalwa; Modimo o mo nyaditše. Le a bona, yohle e šoma go ya ka kgethelopele ye kgolo ya Modimo. Ga se Yena yoo a robetšego. O tseba tlwa.

⁶¹ Gomme re ahlola banna go ya ka bja bona . . . go bonala o ka re, go botega ga bona goba tlhokofalo ya bona. Re ahlola dikereke go ya ka tšwelopele ya tšona. Re a tšoena, re tsea baebangedi, ka gore ke ba bagolo. Seo ga se Sona.

⁶² “Magodimo le lefase di tla feta, eupša Lentšu la Ka le ka se tsoge la feta.”

⁶³ Se mogokong o se šiilego, phatakalala e se jele. Go na le se sengwe sa phošo, felotsoko, gobane Lentšu la Modimo le no ba Gosafelego boka A le Gosafelego. Gomme Lentšu la Modimo le ka se kgone go palelwa go feta Modimo a ka se kgone go palelwa, ka Boyena. Bjale, go na le se sengwe sa phošo, felotsoko.

⁶⁴ Kafao a re boeleng morago bjale. Bokamorago bjale re bo beile. A re yeng morago, re tsee sehlogo sa rena sa Baroma 3:4, “A nke lentšu la motho yo mongwe le yo mongwe e be maaka, gomme Lentšu la Modimo Therešo.”

⁶⁵ Ke ya go gapela se fase, gomme ke nyaka le theetše. “A e be Modimo, Therešo.” A re beng mothalong le se Modimo a se boletšego, go sa kgathale se e ka ba mang gape a se boletšego. Ke nyaka go šomiša dilo tše nne tša go fapania tša se ke se bonago ka Lengwalong, tseo di khunkhwane tše di di jelego go tloga go Kereke ya Modimo yo a phelago, gomme di golofaditše Morara wa Modimo, goba go kgamathela.

⁶⁶ Re tla amogela, lena Mamethodist le tla amogela, lena Mabaptist le tla amogela, lena Mapresbyterian, lena Mapentecostal, lena Nazarene bohole le a amogela, tabarenakele fa e a amogela, “Go ne se sengwe sa phošo.” Gomme rena, tabarenakele, re no ba molato bjalo ka bohole, ka gore, “Yo a tsebago go dira botse, gomme a se bo dire, go yena ke sebe.”

⁶⁷ Bjale a re yeng morago. Gomme ke nyaka go bolela dilo tše nne, feela ka Lengwalo ka mo ke tsebago mokgwa wa go ba, tseo di khunkhwane tše di di jelego go tšwa go Kereke, go tšwa go sa Yona sa pele, seemo sa setlogo.

⁶⁸ Bjale, selo sa pele, kereke e ile ya hlongwa ka Letšatši la Pentecost. Petro o rerile the—the theroy a tlhomamišo go tirelo ya mathomomayo, ge Kereke e tswetšwe. Kereke ya Bokriste e tswetšwe ka Letšatši la Pentecost. Gomme ge Modimo a

le mohlokamagomo, mohlokamagomo, gomme a sa kgone go fetoga, Kereke ya Gagwe e swanetše go dula bjalo ka ge E bile mathomong. A le amogela seo? Kereke e swanetše go dula e swana bjalo ka ge E bile.

⁶⁹ Eupša motho o tsenatsenane le Lona, o beile ditlhathollo tša bona beng ka go Lona. O se tsoge wa leka go hlatholla Lentšu la Modimo. Nno bolele feela se Le se bolelago. Ga ke kgathale ka fao Le lego, kafao nno lokologana le Lona, ke phetho. O se fetole Lentšu. Beibele e boletše, gore, “Lengwalo ga se tlhathollo ye e itšego ya sephiri.” Ga re ne tokelo go bolela dilo tše; re no swanela go Le bala le go bolela feela tlwa boka Le bolela, le go Le dumela ka tsela ya go swana. Ga ke kgathale Le bonala le le nyefolo bjang; Le dumele, go le bjalo.

⁷⁰ Phuluphithi ga se lefelo la motlae. Ke lefelo la tlhokofalo. Ga ke re se go ba ke dira metlae. Ke ra se go tsopola se sengwe seo se boditšwego nna. O rile, go be go le ngwaneshu wa go tšofala wa lekhalate tlase ka borwa, a swere Beibele, gomme molaodi wa gagwe o be a dira metlae ka yena. O rile, “Ga o kgone go E bala; o E rwaletše eng?”

⁷¹ O rile, “Ke a E rwala gobane ke a E dumela.” Leo ke lebaka le lebotse. “Ga ke kgone go E bala, eupša ke a tseba go na le se sengwe ka go Yona. Ke nnete.” O rile, “Ebile ke dumela ‘khabara’ ka ntle ga Yona. E na le ‘Beibele ye Kgethwa’ e ngwadilwe godimo ga yona. Ke a E dumela.”

⁷² O rile, “Eng kapa eng Beibele e tla rego dira, ke a thanka o tla e dira?”

⁷³ O rile, “Ee, mohlomphegi. Ge o e bala go tšwa Beibeleng, ke tla e dira ge e le Taelo ya Modimo.”

⁷⁴ O rile, “Gona go ka reng ge nka bala go tšwa go Beibele yela, le go go botša Morena o rile go wena go taboga go kgabola leboto lela kua, leboto le legolo lela la letlapa? O ka tsoge wa taboga bjang go kgabola leboto la letlapa ge go se lešoba ka go lona?”

⁷⁵ O rile, “Ge o bala seo go tšwa Beibeleng, gomme Morena o mpoditše go taboga, O tla ba le lešoba fale ge ke fihla fale.” Gomme yeo ke nnete.

⁷⁶ Modimo o bolela bjalo, ga go kgathale Le bonala go se hlamatsege gakaakang, o gatela pele go Lona. Go tšwa go Modimo go hlokomela ka moka ga yona, yeo ke taba ya Gagwe. Ke taba ya gago go gata.

⁷⁷ Bjale se sengwe sa dilo tša mathomo tšeou ke tla ratago go bolela le lena bakeng sa metsotso ye e sego mekae. Ka morago ga ge re hweditše gore motheo o swanetše go ba wa setlogo, o swanetše go ya morago go motheo, e swanetše go ya morago moo e bego e le Morara. Ge se sengwe se fošagetše ka sona, gomme Morara o sa šome gabotse, a re yeng morago gomme re hwetšeng gore phošo ke eng.

⁷⁸ Bjale, se setee sa dilo tše ke ratago go di bolela, ke gore se sengwe se tlogile kerekeng ya rena, se sengwe sa dilo tše kgolo, ke Tumelo. Batho ga ba ne Tumelo lehono boka ba bile ka go letšatši lela. Mohuta tsoko wa bojane, bja mohuta tsoko, bo tsene ka gare le go ja go tloša mothalo wa Tumelo. Ba E fetotše. Lehono tumelo ya bona e khutša godimo ga mohuta tsoko wa ke—ke kerekeleina ye kgolo. Eupša Jude o re boditše, ka go Jude temana ya 3. E rile:

Barategi, . . . Ke file tlhokomelo yohle go le ngwalela ka phološo ya go swana, go bile bohlokwa go nna go le ngwalela . . . (Ke na le Yona mo pele ga ka.) . . . le go le hlohlleletša gore le hlabanele tumelo ka tiišetšo (e sego tu tumelo; yona Tumelo) yeo e kilego ya fiwa bakgethwa gatee. (Yeo e bile mengwaga ye masometharo tharo pele ga ye, Tumelo ye e filwego.)

⁷⁹ Bjale, e sego . . . Batho ba re, “Oo, Seo se kgahlanong le tumelo ya ka.”

Go ne Tumelo e tee feela. “Morena o tee, Tumelo e tee, le Kolobetšo e tee.” O ka no ba le *tu* tumelo, eupša re nyaka *yona* Tumelo. *Ka tiišetšo go hlabanelo*, ke gore, “go nganga bakeng sa,” go ema, “go emela.”

. . . ka tiišetšo go hlabanelo tumelo yeo e kilego ya fiwa go bakgethwa.

⁸⁰ Ke neng mo ba biditšwego bakgethwa? Ge ba be ba hlwekišitšwe. Moya wo Mokgethwa o ba hlwekišitše. Ba ile ba bitšwa bakgethwa. Bjale Jude e re, ngwanešu, ngwanabó Jesu e sego wa madi, “Ke nyaka le hlabaneleng ka tiišetšo Tumelo yeo e kilego ya fiwa bakgethwa. Le se tsoge la dumelala Tumelo yeo go rotha.”

⁸¹ Gomme Tumelo ya bakgethwa e be e se ka go dithutotumelo, e sego ka go dikerekemaina, e sego ka go meago ya kereke, e sego ka go mekgatlo, eupša e be e le ka Bogoneng bja Modimo yo a phelago. Ba bile le Tumelo go fodiša balwetsi, go lelekela bodiabolo ntle, go dira mehlolo. Ditshepišo tšohle tše kgolo tšeoj Jesu a di dirilego, kereke yela ya mathomo e swareletše go Tšeoj. E be e le mothalo wa Bophelo.

⁸² Theetšang mo. Theetšang sekgauswi go se ke nyakago go le botša. Bogona bja ka mehla bja Modimo yo a phelago ke mothalo wa Bophelo wa kereke ye nngwe le ye nngwe goba sehlopha se se itšego sa batho, Bogona bja ka mehla bja Modimo yo a phelago go dira, le go dira, le go dira, le go phela le batho bjalo ka ge A dirile mathomong. Ge Bogona bja Modimo yo a phelago bo tlišitše pentecost ka maatla, ka maswao, ka dimaka, bo tlišitše batho go tlala kudu ka Letago la Modimo go fihla ba goeleditše le go bolela ka maleme a mangwe, gomme ba ile le bahwelatumelo bakeng sa Tumelo, a re lweleng ka tiišetšo Tumelo yela go fihlela lehu le tla re lokolla. Ka tlhokofalo re a E hlabanelo. Re ka se itšimeletše, ka go bala dipuku, go tšeoa thutamodimo tsoko ya

madirwakemotho. Re ka se itšimeletše, godimo ga dithutotumelo tše dingwe goba dipuku tše dingwe tša thapelo, goba se sengwe yo mongwe gape a se boletsego.

Tumelo ya ka ga se ya agiwa godimo ga selo
ntle le
Go feta Madi a Jesu le toko;
Tšohle go dikologa soulo ya ka di fa tsela,
Gona Ke kholofelo yohle ya ka le go dula.

Gobane go Kriste, Leswika le le tiilego, ke a
ema;
Mebu ye mengwe yohle ke dikwenamohlaba.

⁸³ Ga go thutotumelo eupša Kriste, ga go molao eupša lerato, gomme ga go puku eupša Beibele. Ga go dipuku tša thutotumelo! Beibele e swanetše go e bolela. Beibele ga ya swanela feela go E bolela, eupša go E bolela nako le nako go swana, e swanetše go E bolela go tloga go Genesi go ya go Dikutollo. E swanetše go ya ka go bolepu bjo bongwe le bjo bongwe bjo bonnyane, le go logagana ka go karolo ye nngwe le ye nngwe ya Lentšu. Ge e sa dire, gona ke na le tlhathollo ye e fošagetšego ya Lona, ka baka la gore Modimo a ka se kgone go ganetša Lentšu la Gagwe Mong. Ge Le sa bolele selo sa go swana go tlhale ye nngwe le ye nngwe ye nnyane!

⁸⁴ Ge hempe ye mo, e logilwe go kgabola ntle ka tlhale ya go swana, ke se se e dirago se e lego sona. Ke se se e dirago ye tšhweu.

⁸⁵ Seo ke se Kereke e lego. Ge e eya go ba Kereke ye tšhweu, e tswetšwego gape, ntle le sepatsa, ntle le lengalatsepa, e swanetše go phagamišwa ka mohuta wa go swana wa tlhale ye e thomilego ka yona, ka Letšatši la Pentecost, boitemogelo bja Moya wo Mokgethwa, bo tuka le go logagana. O ka se kgone go oketša seripa sa diphahlo tša go bola. O ka se kgone go oketša seripa sa mokotla wa go logagana go yona. O ka se šome. O tla o senya.

⁸⁶ Mohuta tsoko wa bojane bjo bonnyane bja kgale bo tlide ka gare le go ja Tumelo yela. Ba emeleta le go re, “Ke dumela go kereke ye kgethwa. Kereke ye kgethwa ya Katoliki ya Roma, ke dumela go yona.”

⁸⁷ Ke dumela go Jesu Kriste, Morwa wa Modimo. Ke a dumela O a swana maabane, lehono, le go ya go ile, le Tumelo le Maatla a tsogo ya Gagwe a phela ka go nna lehono. Gobane O a phela, ke a phela le nna. E sega ka lebaka la thutotumelo, e sega ka lebaka la kerekelleina; eupša ka gobane Kriste o a phela. Gomme ke ka go Kriste, ke phela ka Yena, le ka Yena, gomme ke phela ka Yena. Gomme Bophelo bja Gagwe bo logagana Bjonamong ka nna. Ge Bo sa dire, gona nka se ipitše nnamong wa Gagwe. O no se tše hlogo ya ka; O tšeа pelo ya ka, mesepelo ya ka, se sengwe le se sengwe sa ka, gomme a iphošetša Yenamong ka go yona.

⁸⁸ O itogaganya ka Boyena ka go Lentšu. Lentšu ga le kgone go bolela selo se tee, lefelo le tee, le se sengwe gape lefelo le lengwe le. Gomme ke a tseba Go ngwadilwe ka mokgwa woo. Go ngwadilwe ka tsela yeo bakeng sa morero. Jesu o boletše bjalo, le go leboga Modimo, gore O—O “e utetše mahlo a ba bohlale le ba tlhaologanyo, gomme o tla e utolla go masea ao a tla ithutago.” Woo ke morero wa Modimo go direng bjalo. O . . .

⁸⁹ Gobaneng A kile a dumelela modiradibe go tla? O ile a swanela go dumelela modiradibe go tla, bakeng sa morero wa Gagwe go beng Mophološi. Ke yo mogolwane go feta sebe. O . . . be a se a swanela go ba sebe, O be a se a swanela go dumelela Sathane go dira sebe sa mathomo. Eupša lebaka le Sathane a hlotšego sebe sa mathomo, goba a fapošitšego toko, go dira sebe, lebaka le a e dirilego, gore Modimo a kgone go ba Mophološi. Yena o dumeletše monna go babja, ka gore Yena ke Mofodiši. Gomme O swanetše go ba tokā, gomme O swanetše go bea Mohlare wa Bophelo le mohlare wa lehu pele ga motho yo mongwe le yo mongwe, boka A dirile Adama le Efa, goba O dirile phošo ge A e beile pele ga Adama le Efa. Bjale go go wena.

⁹⁰ Bjale hlokamelang Tumelo, Tumelo ya therešo, Tumelo ya kgonthē, “Tumelo.” Bjale re tšea dikereke tša rena lehono, re lebeleleng, lebelelang batho ba rena ba Pentecostal, lebelelang batho ba rena ba Baptist, Mapresbyterian a rena, Manazarene, Pilgrim Holiness, le Tabarenekele ya Branham, rena bohle, re molato, ka go se hlabanele Tumelo yela ka tiišetšo.

⁹¹ Go baka go gonnnyane go ka tla godimo ka kerekeng, ka Tabarenekeleng ya Branham. Ke gae. Nka bolela ka lena bjale. Gomme ba tla dira segongwane se sennyane, gomme yo motee a ya ka lehlakoreng le tee gomme yo motee ka go le lengwe. A ke go hlabanelā Tumelo ye e filwego bakgethwa gatee? A seo se kwagala boka Thuto ya boapostola? Aowa, mohlomphegi, ngwanešu. Ba bile le taba ya Anania le Safira. Modimo e sa le Modimo wa go swana. Gomme re bone seo se netefaditšwe. Ga go go hlabanelā ka tiišetšo.

⁹² Batho ba ya ntle lehono gomme ba re, “Gabotse, tumelo ya ka ga e rute mehlolo. Ba ruta gore matšatši a mehlolo a fetile.” Gona ga le hlabanele Tumelo yeo e kilego ya fiwa bakgethwa gatee.

⁹³ [Lefelo la go se be le selo godimo ga theipi—Mor.] . . . sehlopha sa bohlanya, ka bona. Eupša ke a dumela gore go na le ya kgonthē, mpho ya mmapale ya Moya wo Mokgethwa, gomme ka tiišetšo re hlabanelā Woo. Yeo ke nnete. Re a O dumela. Bakgethwa ba bolela ka maleme.

⁹⁴ Ba re, “Ga ke dumele go phodišo Kgethwa.” Ga ke dumele go sehlopha sa bohlanya. Eupša re a dumela go na le Modimo, yoo A fodišago balwetsi, yoo A swanago maabane, lehono, le go ya go ile.

⁹⁵ Ke bone bontši bo bitšwa go hlatha, ga ke dumele go bjona. Eupša ke a tseba ka therešo go na le Moya wa go hlatha wa Modimo, mpho ya tsebo, yeo e bitšago le go bolela, gomme E phethagetše nako le nako. Ka tiišetšo re hlabanelo Yeo, Tumelo yela yeo e kilego ya fiwa bakgethwa.

⁹⁶ Ke a tseba go na le ditoro, le dimpa di tletše ka—ka dijo tše mpsha, goba di tletše ka se sengwe, seo se le hlolelagogo go ba le dikatapowana. O tabogela godimo le go e bitša pono.

⁹⁷ Go ne ya nnete, pono ya mmapale ya Modimo. Therešo! Modimo o e tshepišitše. “Jesu Kriste wa go swana maabane, lehono, le go ya go ile.” O dira seo, gomme ga se nke sa šitwa. Beibele e rile, “Ge go na le yo mongwe magareng ga lena, yo a lego wa semoya, goba moprofeta, gomme a nke a bolele; gomme se a se bolelago, ge se etla go phethega, gona mo kweng, gobane Ke na le yena. Ge se sa dire, le se mo kwe, gobane ke moprofeta wa maaka.” Modimo ga a kgone go aketsa. Modimo o bolela therešo, nako yohle. A go be bjalo. Bjale re hwetša gore yeo ke therešo. Go na le dilo tšeо . . .

⁹⁸ Lebelelang Paulo, ge ntle fale bošegong bjola, dikhlofelo tšohle di be di ile, diabolo a sega monyakalalo wo mongwe le wo mongwe, a tšenya meno a gagwe go nako le nako ge maphotho a tabogetše godimo gomme legadima la ratha, “Ke tla nweletša moapostola yola ntle mo,” sekepe se sennyane sa kgale, se tletše meetse. Gomme matšatši le matšatši, matšatši a lesomenne le mašego, dinaledi ebile ga se tša tsoge tša phadima; le ka fao sekepe se sennyane sela sa kgale se tšokatšokišitšwego. Yena a sepela go dikologa, a goga ketane ka morago ga gagwe, bakeng sa go rera Ebangedi. Haleluya!

⁹⁹ Gomme ebile re ka se dumelele e ka ba mang go bolela ka rena ntle le ge re ka kokomoga boka senana se eja sekghahl. Ka mehla re tšwelapele ka se sengwe. Gomme ka gona re re ka tiišetšo re hlabanelo Tumelo? Tabarenekele ya Branham e hloka bontši ka moka go otlollwa, pele, go bjalo ka Mapentecostal, le Mabaptist, le Manazarene. Ke ka baka leo re sa yego felo, ga re botege le go hlokofala. Re kile ra tla sefahlego ka sefahlego le Selo sela fale, seo se re dirago go se šikinyege, ka mehla go ba ka go Modimo, Tumelo yeo e kilego ya fiwa bakgethwa.

¹⁰⁰ Phatakalala ya kgale e tlile ka gare, le bojane, le go e eja lato. “Matšatši ohle a mehlolo a fetile. Ga wa swanelo go dira Se. Ga wa swanelo go dira Sela.”

¹⁰¹ Ge Modimo a tlišitše pele lekala la Gagwe la mathomo go tšwa go Morara wola, e be e le lekala la pentecostal, ka maatla, dipono, dikutollo, diphodišo, tlhwekišo, Moya wo Mokgethwa, lekala la go latela e tla ba selo sa go swana. Ka kgonthe le tla dira. Nako le nako ge e . . . nako le nako ge Morara o hloga lekala, le tla ba tlwa boka le bile lefelong la pele. Lena . . . Bjalo ka ge ke boletše bošego bja go feta, ke bolela le sehlopha sa banešu: o ka

se kgone go hwetša moterebe go enywa mafodi. O ka se kgone go hwetša morara lefodi go enywa diterebe. Yeo ke therešo. Ke eng kapa eng bophelo bo lego ka go morara wola, bo a o tšweletša.

¹⁰² Gomme ge Kriste a le ka go Morara wola, gomme Bophelo bja Kriste bo ka go motho yola, o tla ba boka Jesu, o tla enywa dikenywa tša Gagwe. Ke Moya wa Gagwe. O ka se kgone go dira selo gape eupša go se dira. O swanetše go tšweletša Bophelo bjoo, ka gore ke Bophelo bjo bo swanago. O no se kgone go tšweletša e ka ba eng gape. Bo tla dira boka Yena. Bo tla bolela boka Yena. Bo tla sepela boka Yena. Bo tla fodiša boka Yena. Bo tla bona dipono boka Yena. Bo tla tšweletša tlwa Bophelo bja Gagwe, ka go phethagala, nako ye nngwe le ye nngwe, ka gore Ke Bophelo bja Gagwe.

¹⁰³ O no ba legapi. Monna o no swana le phaephe ya meetse. Ga se Meetse; e no ba phaephe. Tšea Meetse go tšwa go yena, o tla rusa. Gabotse, seo ke se e lego taba lehono. Go na le bontši kudu bja rena bo a rusa, bao ba kilego ba ba le boitemogelo. Boloka Meetse a ela, seo ke se se bolokago mothalo wa Bophelo o eya.

¹⁰⁴ Ke kwele mothaka a rera nako ye nngwe, o rile go be go le kolobe ka lerageng, e dira meetse leraga gohle. Selo se sekaonekaone kudu... Beibele e bolela ka seo. Tloša kolobe ka lerageng. O ya fase mo, mothopo wo mobotse, gomme tlase mo felotsoko ka didiba tše kgolo di tšhologa, godimo kua godimo ga thaba; meetse ohle a bilogile, bokaone o ntšhe dikolobe ka go ona, gore meetse a seke.

¹⁰⁵ Go na le dilo tše dintši re swanetšego go di ntšha, pele Meetse a ka tsoge a tla go tšwa Mothopong wo o tladitšwego ka Madi a a ntšhitšwego ditšhikeng tša Imanuele, moo badiradibe ba phonkgelago ka tlase ga lefula ba tlogwa ke dipatso tša bona tšohle tša molato, go hloka kgahlego ga bona le dipolabolo, le go ya pele.

¹⁰⁶ Badiredi ba lesometshela, gobane ba dumela... Ba naganne gore ke dumetše gore Modimo o bolokile Kereke ya Gagwe le go lota Kereke ya Gagwe. Lengwalo le rile, “Yo a kwago Lentšu la Ka,” e sego yo a itirišago go Le kwa. Yoo ke yena yoo Modimo a butšego mahlo a gagwe le ditsebe, go kwa. Ga go motho a ka go e dira go fihla Modimo a bula mahlo a gagwe le ditsebe. “Yo a kwago Mantšu a Ka gomme a dumela Yo a Nthomilego, o na le Bophelo bjo bosafelego, gomme a ka se tsoge a tla Kahlolong, eupša o šetše a fetile go tloga lehung go ya Bophelong.” Go ya go direga eng go yena? A Modimo o akeditše goba a O boletše Therešo?

¹⁰⁷ A motho o lokile, goba, “Oo, o ka hwetša Moya wo Mokgethwa gomme wa phološwa, gomme bosasa o ka kgona go lahlega gomme wa ya heleng”? O se ke wa tsoge wa dumela tšhila yeo. Ao ke maaka.

¹⁰⁸ O kile wa tswalwa gape, tlhago ya gago ka moka e beakantswe go fapana. Ge motho a ka tsoge a bjälwa ka go Kriste, gomme a hlokomela Bophelo bja Moterebe, bo etla ka yena, a ka se tsoge a enywa mafodi gape. O ka no tlemaganya e tee go yena, eupša o a tseba se sengwe se fošagetše. O tla dula fale le go tsetsela go fihla e tlošwa go yena. Ke boima bjo bontši kudu go yena; bo mo inamiša fase kgauswi kudu le mobu. O rata go gola. O ka se kgone go lekeletša lefodi godimo ga Moterebe.

¹⁰⁹ Hlokamelang. Oo! “Go hlabanelo Tumelo,” e be e le, “go hlabanelo ka tiišetšo.” E sega feelsa go hlabanelo, eupša, “go hlabanelo ka tiišetšo,” gare ga Bophelo le lehu. Re tla tabogela go ye nngwe. Le ka dula nako ye telele go yela.

¹¹⁰ Selo sa go latela se re ratago go se bolela, ke, lerato la boena le llwe go tloga go morara. Lerato la boena! Jesu o rile, “Se batho bohole ba tla tsebago gore le barutiwa ba Ka, ge le na le lerato, yo motee go yo mongwe.”

¹¹¹ Gabotse, bjale a re nong go tšea mohlala. Ge monna a sa dumele go swana le ge ke dira, ke tla ya thwi ka phuthegong ya gagwe le go rera le yena, go no rera se a se dumelago, le go ya thwi pele le go se lesa se ye, gobane ke a mo rata. Le ba tseba ka dikenya tša bona. Ge ba sa Le dumele, gomme ba se ne lerato la boena, ba a wa, go se kwane, go wela kgakala, “Nka se be le selo go dira le Lona.” Gobaneng le sa tle go nna le go bolela le nna ka Lona? Ga le tsebe se ke se dumelago. Le a bona? E dira phapano efe, go le bjalo, se ke se dumelago? Ke Yo ke mo dumelago: Jesu Kriste. Ga se ka ke ka tlogela kopano, le bjale, ka tatso ye mpe, ka mo ke tsebago. Eupša, le a bona, lerato la boena lohle le phatlaladitšwe.

¹¹² Gomme Paulo o e bone, Bakorinthe ba Pele 13, o rile, “A nke lerato la boena le tšwelepele.” Eupša lerato la boena le tlošitšwe. Bjale hlokamelang. Nako le nako . . .

¹¹³ Bjale, theetšang sekgauswi bjale, re ya ka go dijo tše maatla. Nako le nako ge diabolo a tloša se sengwe mohlareng, re tla re sekgamathi, khunkhwane e ja sekgamathi, o beile lenkgeretla la madirwakemotho go o dikologa, go tšea lefelo la Sona. A bea lešela go dikologa mothalo wa mohlodi wa mohlare, o ka se romele mohlodi godimo ka go dikenya tša mohlare. O ka se enywe dikenya tše itšego. E tla wela thwi morago go theogela mobung. Gomme leo ke lebaka, lehono, re ka se kgone go ba le tsošeletšo ka letšatšing la rena, ke thutotaelo ye ntši ya madirwakemotho. Mothaloo wa Bophelo o ka se sepele go kgabola lenkgeretla la kgale. O tla fa mohlodi, Bophelo bo tla wela thwi morago fase mobung. Ke ka lebaka leo ditsošeletšo tša rena di šitwago.

¹¹⁴ Bjalo ka ge Billy Graham a boletše letšatši le lengwe, o be a le ka Engelane, moo a bilego le tsošeletšo ye kgolo. Gomme lona lefelo moo a bego a rera, o ile a swanelo go tšea mosadimogatša

wa gagwe go tšwa diphakeng gobane banna le basadi ba phela maitshwarohlephi thwi ntle ka diphakeng. Molato e be e le eng? Mašela a madirwakemotho legatong la sekgamathisegodišwa ke Modimo. E ka se rwale Bophelo.

¹¹⁵ Kereke ye e phuthetšwego go dikologa ka thutotumelo ya madirwakemotho, e ka se romele Maatla a Modimo godimo ka makaleng. E tla re, “Matšatši a mehlolo a fetile,” gomme ya E go rothetša go alega fase. Amene. Ke a tseba le nagana ke a tsenwa; eupša, ge ke le, nteseng ke nnoši, ke ikwela gabotse ka tsela ye. Le a bona? E tla rothiša Lentšu la Modimo.

¹¹⁶ Ge Modimo a bolela mo, “Ke nna Morena. Ga Ke tsoge ka fetoga.”

¹¹⁷ “Gabotse, O fetogile mo letšatšing le,” go bolela lenkgeretla. Ya Le rothiša fase. Moo la mathomo e thomilego e bile ka go lebaka la pele, ge ba be ba se ne dikerekemaina, gomme motho o lekile go bušetša bongwanešu ka dikerekemaina. Lerato la boena le ripilwe ka baka la dikerekemaina.

¹¹⁸ Mpontšeng nako e tee moo Modimo a kilego a ba le mokgatlo goba kerekeleina, le go tsoge a ba le Kereke ya Gagwe ka go kerekeleina, goba e ka ba kerekeleina ye e kilego ya tsoga ye e sego ya wa gomme ya se tsoge ya tsoga gape. Bjale, ke be ke bala ge e sa le ke etla go tšwa godimo fale, go yona thuto ye. Ke badile *Foxes Book Of The Martyrs*. Ke badile mongwalo wa pele wa Josephus. Ke badile *Two Babylons* ya Hislop. Ke badile *Early Ages* ka Pember, oo, le *Nicene Fathers*, gomme feela pele ga Nicene Council, morago ga Pentecost. Gomme fao ga se gwa ke gwa ba kerekeleina ye Modimo a kilego a e bea ka Beibeleng. Ka gona ge re hlomamišitšwe le go dira dikerekemaina, re tšwetše ka ntle ga thato ya Modimo.

¹¹⁹ Bojane, bo bitšwago “kerekeleina,” bo jele go tloša sekgamathi sa setlogo sa lerato la boena, le go e dira kerekeleina, ka go rwala lešela go e dikologa. Gomme Bophelo bja Modimo bo tla thwi godimo go kgabola medu fa, Modu le Lehlogedi la Dafida, ge O thoma go tla godimo ka Moya wo Mokgethwa; gona kerekeleina e rile, “Matšatši a mehlolo a fetile. Ga wa swanela go bolela ka maleme lehono. Ga go selo se sebjalo bjalo ka kolobetšo ya Moya wo Mokgethwa. Ga go phodišo Kgethwa. Seo e be e le sa lebaka le le ilego. Le ile, botelele go fetile.” Gomme makabe ſea godimo fa, a a tlaišega, dikenywa.

¹²⁰ Wo mobotse, mohlare wa go phelega ga wa swanela go peitiwa. Gobaneng re peita gape le gape le gape, bakeng sa go kgotlelwa ke diboko? Re e direla eng? Ke ka baka la gore mohlare ga wa phelega. Molato ke eng o sa phelega? Dithutotumelo le dikerekemaina di jele mothalo wa Bophelo go tšwa go wona. Ka go felela! Methodist, Baptist, Presbyterian, Mapentecostal, ba ja mothalo wa Bophelo go tšwa mohlareng, go leka go bea kerekeleina kemedi, go tliša banna bohole ka tlase ga dipolitiki.

Modimo ga a re nyake re tlemagane mmogo ka tlase ga dipolitiki le dithutotumelo. Re tšoenane mmogo ka Moya wo Mokgethwa, setlogo sa Modimo, o kgeila sebe sa pelo ya rena, le go re dira batee bohle ka go Kriste Jesu. Yeo ke therešo, ngwanešu wa ka. Yeo ke therešo, kgaetšedi wa ka.

¹²¹ Seo se thomile ka go mabaka a pele ka morago ga lehu la Kriste, le tsogo, ka morago ga lehu la baapostola. Mengwaga ye makgolotharo moragwana, ba tlišitše Nicene Council ka gare. Moo ke ge ba bopile mokgatlo wa mathomo, e bego e le kereke ya Katoliki. Go ra, *katoliki* e ra “lefasepharephare.” Go tšwa go Katoliki, kereke e tšwile Luther; go tšwa go Luther, go tšwile Wesley; go tšwa go Wesley, go tšwile Pentecost. Bohle go theoga, tša go feta tše nnyane—tše nnyane tša feta go dikologa, tše dingwe tše nnyane, boka, oo, Nazarene, Pilgrim Holiness, le go ya pele, Baptist, le tšohle tše. Tšohle di tšwa go tšela, tšohle thwi ka go go swaneng, kerekeleina. Ge Modimo a efa kereke tšhegofatšo, goba sehlopha sa batho, ka pela ba thala legora le lennyane go e dikologa, gomme šefa moo ba tšeago kemo ya bona. Modimo o nyaka go kgeilela fase legora le lengwe le le lengwe.

¹²² Ke elelwa ge la mathomo ke ile Bodikela. E be e le dinako tša go ribolla, Kansas, gomme ke be ke bea korong ka kua. Ke be ke tla bona wona makhapoye a kgale bao ba sego ba ke ba tseba selo ka trekere goba—goba eng kapa eng, goba go godiša korong e ka ba efe. Tšohle ba di tsebago e be e le go diša dikgomo. Gomme re ile go tliša difatanaga ka gare, le go bea mabala a kolofo, gomme ba apere marokgo a mannyane a a kgale ba bego ba tlwaetše go a apara go bapala kolofo ka wona, le dilo tšohle boka tše. Ke be ke bona bona bakgalabje ka wo motelele, moriri wo mošweu o lekeletše ka tlase ga kefa ya bona, go ba bona ba tliša ditlemo le segodiša korong, le dilo boka tše, a sobeletša leoto la gagwe ka saleng, gomme a gogela kefa ya gagwe fase. A bea magora go dikologa lefelo; o be a sa kgone go emela seo. O be a sa tsebe selo ka go tswalelelwa ka gare. O be a le polaseng, le Modimo le yenamong. Meriri ye mepududu e lekeletše ka tlase ga kefa ya gagwe ka mokgwa wola; a lla, meokgo. A no e gogela fase, a re, “Nka se kgone go emela dilo tše.” A otlela godimo go leba bodikelatšatši.

¹²³ Modimo re thuše lehono go ba le baeti ba ba ka se emelego go tswalelelwa ka go kerekeleina le dithutotumelo, le go namela go leba bodikelatšatši; ka Tumelo ye e sa šišinyegego, ye e filwego bakgethwa gatee; ka lerato la boena le le robelago dithutotumelo tšohle le magora fase, le go re, “Re baena. Re batee ka go Kriste Jesu. E ka ba eng Modimo a e bolelago, re re ‘amene’ ka morago ga Yona.” Re fe mohuta woo wa banna.

¹²⁴ Ya, dithutotumelo! Gona ba bopile se ba se bitšago p—p Pre-Nicene Father. Ba tlie mmogo, ka go se ba bopile khansele. Ka go khansele go phaphašitšwe kereke ya Katoliki, go rago “kereke ya lefasepharephare,” ya thubaganya dikereke tšohle tše nnyane

go dikologa fao Modimo a bego a šoma, gomme ya ba gapeletša go ba ka kerekeng e tee le bodumedi bjo botee.

¹²⁵ Ba beile pholo godimo ga letsogo le tee, pholo godimo ga le lengwe, ba lekeletša sefapano pele ga monna, ba mmotša “se atle goba . . . le go khunama fase, go amogela bodumedi bja Katoliki,” goba ba thoma pholo e tee ka tsela e tee, gomme e tee ye nngwe, gomme ba mo matlologanya. Ba tsea mosadi gomme ba tsea moriri wa gagwe gomme ba o bea ka sedibelong sa sekontiri, gomme ba mmotšiše ge eba o tla atla sefapano se; o be a tla e dira, le go khunama go bodumedi bja Katoliki, goba ba be ba tla gotetša moriri godimo ga hlogo ya gagwe le go mo tshuma. Ba ba bea godimo ga dikota le se sengwe le se sengwe gape. Ba ba bea ka gare ga se ba se bitšago mosadi wa tshipi, ba pitleletša tsona diphekisi, ba leka go ba dira ba atle sefapano, ba gokarela se ba se bitšago “Bodumedi bja Bokriste,” gomme ba ba šilaganya thwi ka leroleng.

¹²⁶ Bahwelatumelo ba be ba eme fao ntle le go ponya ka leihlong la gagwe. O tsebile mo a bego a eme. O tsebile Yo a mo dumetšego. O be a kgona, a tseba Se, gore Modimo a ka kgona go mo tsoša ka letšatši la mafelelo, ka baka la gore O se tshepišitše. Pele a be a ka kwatama fase go e ka ba ofe wa madirwakemotho, methalo ya mohlodi ya kgale ya ditšhila, o be a tla hwa mo kutung. Haleluya!

¹²⁷ A nke ke hwe lefelo la go swana. Ge Modimo wa ka a sa tle ka go moloko wa ka, ke tla hwa kutung moo bojane bo jelego go yona, ke dumela gore Jesu Kriste le Kereke ya Gagwe le Lentšu la Gagwe ba a swana maabane, lehono, le go ya go ile. E ka no se kgone go e tšweletša, ka makaleng ohle a, gobane methalo ya kgale ya mohlodi ntle fa, ya kerekeleina le thutotumelo, e nkgaotše le go ntahla boka letapola la go fiša. Yeo e ka no ba therešo. Eupša ke tla ema ka go botega godimo ga kutu le go goeletša, gore, “Iri e tla tla, Modimo o tla bušetša Kereke ya Gagwe, go fihla go leemo la Yona la pele.”

¹²⁸ Se se ka no gobatša. Selo sa boraro. Ga ke se nyake. Šetšang e tee ya methalo ye megolo ya mohlodi go kgaolwa. Gomme nakong yeo ya mokgatlo, seo ke se se wešitšego mothalo wa mohlodi, le go thoma. Lefelo la pele, ge ba ka be ba bile le lerato la boena magareng ga bona seng, ba be ba ka se tsoge ba hloka mokgatlo. Gomme ka gona ge ba bone gore ba be ba ka se kgone go ba . . . Ba be ba sa ye go ba le lerato la boena, goba ba be ba gopola gore ba be ba se. “Bao ba letelago Morena ba tla mpshafatša maatla a bona.” Sebakeng sa go tsea Lentšu la Modimo, ba bile le mokgatlo.

¹²⁹ Luther o tšwetše ka ntle ga mokgatlo woo. Mengwaga ye makgolotlhano le masometlhano moragorago, a tšwela ka ntle. O dirile eng? A retologa thwi go dikologa, a dira selo sa go swana ba se dirilego. Thwi go tšwa go yeo go tla Calvin. Thwi go tšwa

fao go tla Wesley. Thwi go tšwa go Wesley go tla Mabaptist, Mapresbyterian, go theoga go ya go Mapentecostal. Gomme Mapentecostal, morago ga ge Nazarene e eba Pentecostal. Gomme morago ga Pentecostal, ke eng e tla dirago? Ke a holofela go Tla ga Kriste. Gobane, Pentecostal e dirile sona selo sa go swana seo ka moka ga bona ba se dirilego.

¹³⁰ Kutollo 12 e bolela gore ba tla e dira. O be a le seotswa, gomme ba be ba le bommalegogwana. Ba be ba le “bommalegogwana.” Kereke ya Katoliki, “o,” e rile e be e le “seotswa,” ka Beibeleng, s-e-o-t-s-w-a. Bakorinthe ba Pele 12 e boletše bjalo. Gomme o rile, “barwedi ba gagwe.” Bjale, ba ka se kgone go ba banna. Yena ga se a ke a re “barwa ba gagwe.” O rile, “barwedi ba gagwe.” Dikereke di emetšwe ka Beibeleng bjalo ka basadi. Gomme barwedi ba gagwe e be e le bommalegogwana, le a bona, selo sa go swana. Ke mohuta mang? Gabotse, bjang, mmalegogwana? Go dira bofefe bja semoya kgahlanong le Lentšu la Modimo. A swareletše go lenkgeretla la kerekelina sebakeng sa go ema ka tiišetšo bakeng sa Tumelo yeo e kilego ya fiwa bakgethwa, E re, go na le go ya morago le go tsea Lentšu la Modimo.

¹³¹ Ke boletše le moprista fa e se kgale botelele. O rile, “Ga ke kgathale se Beibele e se bolelago. Ke rena kereke.”

O rile, “*Leo ke Lentšu la Modimo.*”

O rile, “*Re e dirile.*”

¹³² Ke rile, “Gobaneng e fetogile bontši bjalo? Ga o ne selo se tee ka kerekeng ya gago, seo Beibele ye e se bolelago, seo o se rutago.” Ke be ke mmotša gore ke kolobeditše mosetsana Leineng la Jesu Kriste.

O rile, “O a tseba, kereke ya Katoliki e be e fela e dira seo.”

Ke rile, “Neng? Go na le histori ye nngwe le ye nngwe ya dikereke, ye ke tsebago ka yona, e letše thwi fao.”

O rile, “Re dumela katekisima ya rena.”

Ke rile, “Go reng ka histori?”

¹³³ O rile, “Ga re kgathale se histori e se boletšego. Re dumela katekisima.”

¹³⁴ Ke rile, “O tseba bjang go be go le George Washington le Abraham Lincoln? O tsebile bjang go be go le botate ba baeti?”

“Gobane re dumela histori ya rena.”

¹³⁵ Ke rile, “Ga go na lefelo leo kereke ya Katoliki e kilego ya kgatlofatšwa go fihla mengwaga ye makgolotharo le masometshela ka morago ga lehu la moapostola wa mafelelo.” Ke rile, “Gomme kereke ya Katoliki e be e sa tsebje. Ga se ba kolobetša Leineng la Jesu Kriste, gobane ba be ba le wona motheo wa mathomo wa go tliša kolobetšo ya maaka. Gomme yena o...”

¹³⁶ O rile, “Gabotse, bjale ema motsotso.” O rile, “Re na le tokelo. Ke rena kereke. Re dira se re nyakago ka gobane Modimo o ka kerekeng ya Gagwe.”

Ke rile, “Modimo o ka go Lentšu la Gagwe, e sego ka kerekeng ya Gagwe.”

¹³⁷ Ge kereke e ganetšana le Lentšu, gona go ne se sengwe sa phošo. “A nke Lentšu la Ka le be therešo, gomme lentšu la motho yo mongwe le yo mongwe e be maaka.” Yeo ke nnete. Lentšu la Modimo go beng therešo. Dira Lentšu la Gagwe le loke. Eya morago go Lentšu la Gagwe. Le bona se bojane bo se jelego?

¹³⁸ Bjale, nakong ya botate ba pele ba Nicene. Gene, o sa tšo e tšea, le yona. Nicene Council ye kgolo e tšweleditše ngangišano ye kgolo, ka lebaka la, “A go be go le Modimo yo motee goba a go be go le boModimo ba bararo; Tate, ka go ba o tee; Morwa, ka go ba ba babedi; Modimo Moya wo Mokgethwa, ka go ba ba bararo?” Gomme ba amogetše gore go be go le “boModimo ba bararo.” Bjale, ge le sa dumele seo, ke tla e bala go lena gonabjale go tšwa go Nicene Council, Nicene Fathers. Ba e dirile, “boModimo ba bararo.”

¹³⁹ Go na le Modimo yo motee. Go na le yo Motee feela. Ke Jehofa Modimo, KE NNA yo mogolo; Alefa, Omega; Mathomo le Mafelero.

¹⁴⁰ Ba bile bjale, gore ba dire seo, ba swanetše go hwetša se sengwe go ya le sona. Gore ba dire seo, ba lekile go re, “Modimo Tate, Modimo Morwa, Modimo Moya wo Mokgethwa.” Bjale, ka go felela, fao ga go selo se se bjalo. Ga se boModimo ba bararo. Bjoo ke bohetene.

Go na le diofisi tše tharo tša Modimo wa go swana. Botate . . .

¹⁴¹ Ge Modimo a be a dula a nnoši, mokgethwa; Melao ya Gagwe, toko ya Gagwe e Mo dira yo mokgethwa. O be a nyaka go ba ka go motho. O be a nyaka go rapela le motho. O be a nyaka motho go Mo rapela. O be a swanetše go tla go motho. Gomme ka gona ge A dirile, O hlotše; o apešitše ka moriti kgarebe ye nnyane e bitšwago Maria. Modimo, Jehofa o dirile, gomme o hlotše ka popelong ya gagwe sele, sele ya Madi. Sele yela ya Madi e tšweleditše dissele, gomme e tlišitše pele Monna, yo e bego e le Kriste Jesu.

¹⁴² Modimo Ramaatlakamoka, Tate, o dutše ka go Yena. Ka letšatši la kolobetšo, ge A amogetše Moya wo Mokgethwa ka letšatši ge Johane a Mo kolobeditše, Johane o rile, “Ke lebeletše gomme ke bone Moya wa Modimo, boka Leeba, o theoga go tšwa Legodimong, gomme Segalontšu se re, ‘Yo ke Morwa moratwa wa Ka Yo Ke kgahlwago ke go dula ka go yena.’” Jesu o boletše gore Modimo o be a na le Yena, “Nna le Tate wa Ka re Batee. Tate wa Ka o dula ka go Nna.” E sego Jesu, le go ba yo motee le Modimo; eupša Modimo o be a le ka go Kriste, a boelanya lefase go Yenamong.

¹⁴³ Le lena baena ba Oneness, ba bantši ba lena le tšwa go therekeng ya go fošagala ge o leka go nagana gore Modimo ke yo motee go swana le monwana wa gago o le o motee. A ka se kgone go ba Tate wa Gagwe Mong. A ka se kgone go ba.

¹⁴⁴ Eupša Yena ke Modimo. Modimo ke Jehofa, Moya; Kriste o be a le ngwako woo A dutšego ka go ona. Gomme ka gona O dirile bophelo bjo sehlabelo, gomme, ge A dirile, O neetše Moya. Gomme ka Madi a a sa otswafatšwago ao A a tšholotšego, O ntlhwekišitše, gore A ke a tle ka Boyena gomme a dule ka go nna le ka go lena. Gomme Modimo o na le rena. Woo ke Moya wo Mokgethwa, wo o swanago, yena Modimo yo a swanago, Jehofa Modimo. “Ke tla ba le lena, le ka go lena, go fihla bofelong bja lefase. Gomme dilo tše Ke di dirago, le tla di dira le lena.”

¹⁴⁵ Fao ke moo phatakalala e thomilego go ja, bojane, e leka go dira “Modimo Tate” a dutše ka Letagong, “Modimo Morwa” a dutše godimo ga seatla se sengwe se setona A nago naso.

¹⁴⁶ Seatla se setona sa Modimo, moo Beibele e rilego, “Ke lebeletše godimo gomme ke bone Jesu a eme ka seatleng se setona sa Modimo,” Filipi, goba Stefano ge a be a kgatlwa ka matlapa. Ga go re gore Modimo o na le seatla se setona, gomme Jesu o eme ka godimo ga seatla se setona sa Gagwe. Go ra gore O ka seatleng se setona sa Maatla, maatlataolo. “Maatla ohle ka Magodimong le lefaseng a filwe go Nna,” go boletše Jesu. O be a le ka go maatlataolo. Modimo o be a le ka go Kriste. O ka go—ka go Yena. Beibele e rile, “Ka go Yena go dula bottalo bja Modimohlogo mmeleng.” Ge o leka go dira boModimo ba bararo motho ka motho, o bjalo ka bohetene ka mo bohetene bo kgonago go ba.

¹⁴⁷ Bjale, se se ya go tšipa. Sa bone. Ge ba bile le bomodimo ba bararo, ba ile ba swanela go emela kolobetšo bakeng sa gagwe, bakeng sa bomodimo ba bona ba bararo, kafao diabolo o foufaditše mahlo a bona, ka Mateo 28:19, “Ka gona eyang, rutang ditšhaba tšohle, kolobetšang Leineng la Tate, Morwa, Moya wo Mokgethwa. Le ba rute go obamela e ka ba eng Ke e dirilego. Bonang, Ke na le lena ka mehla, ebile go fihla bofelong bja lefase.” Diabolo o foufaditše mahlo a bona go Seo.

¹⁴⁸ Bjale swarang seo. Bjale fa ke moo ke swanetšeego go kokotela sepikiri, gomme se ya go gobatša, eupša ke nyaka le theetše. Ke Therešo. Modimo e thuše go ba . . . Le no puruputša Mangwalo. Le hwetsa ka Beibeleng moo e ka ba mang a kilego a kolobetšwa Leineng la “Tate, Morwa, Moya wo Mokgethwa,” o hwetsa lefelo le letee e ka ba mang a kilego a kolobetšwa. Lebelelang, le re, “Diabolo a ka kgona . . . ” Diabolo o tšeа Lengwalo leo gomme a Le dira le lebege bjalo ka se sengwe Le sego sona.

¹⁴⁹ A ga se a bolela selo sa go swana go Jesu? “Go ngwadilwe, ‘O tla fa Barongwa ba Gagwe taelo, mabapi le, gore nako efe kapa efe O thetšiša leoto la Gago kgahlanong le letlapa.’” Ga se A ke a tsoge a thetšiša leoto la Gagwe kgahlanong le letlapa. Eupša

diabolo o be a leka go Mo dira a bone se sengwe seo Mangwalo a sego a se bolela.

¹⁵⁰ O be a le setswerere. O be a tladitšwe ka Modimo. Modimo o be a le ka go Yena. Gomme Modimo, go beng ka go motho, o tla dira kutollo ya Gagwe go tsebjja. Ka kgonthe.

¹⁵¹ Ke tla le iša go Mateo 28:19, “Ka gona eyang, rutang ditšhaba tšohle, le ba kolobeletša Leineng la Tate, Morwa, le Moya wo Mokgethwa.”

¹⁵² Bjale šetšang ka fao modumelaboraro wa mafelelofelelo go tšwa kerekeng ya Katoliki... Ga se nke gwa ke gwa ba ka Beibeleng, ga se nke gwa ba thutotumelo ya botate ba pele ga Nicene, botate ba pele—pele ga Nicene. Ba be ba, yo mongwe le yo mongwe, ba kolobeditšwe Leineng la Jesu Kristi, yo mongwe le yo mongwe wa bona. E tla ka kereke ya Katoliki, e tla go tšwa fao go ya pele ntle go ya ka go kereke ya Maprotesetant.

¹⁵³ Bjale, o kgona go e bona bjang ntle le Modimo a bula leihlo la gago? O ka se kgone. Ke a rapela gore Modimo o tla bula mahlo a gago go Ye. Gomme e nong go theetša sekgauswi bjale.

¹⁵⁴ Bjale ke ya go tšea Lengwalo la lena, Mateo 28:19, “Eyang lena, rutang ditšhaba tšohle, le ba kolobeletša Leineng la Tate, Morwa, Moya wo Mokgethwa.”

Le kolobeditšwe bjang, “Leineng la Tate, leineng la Morwa, leineng la Moya wo Mokgethwa”? Seo ebile ga se sa ngwalwa ka Lengwalong. Gomme ke nyaka monna tsoko... .

¹⁵⁵ O re, “Thirinithi ye kgethwa ya go šegofala.” Nkhweletše lentšu “thirinithi” kae kapkae ka matlakaleng a Beibele ya Modimo. Ke sekimi sa madirwakemotho, lenkgeretla la kgale la tšhila le tateditšwe go dikologa, go tšea lefelo la Mothaloo wa Moya wo Mokgethwa wa Modimo. Ga go selo se sebjalo. Ga go selo se sebjalo. O a se hwetša gomme etla go nna. O tlamegile go e dira, bjalo ka Mokriste, ge o ka e hwetša. Ga e ka go Dingwalwa tše Kgethwa tša Modimo. Gomme “Tate, Morwa, le Moya wo Mokgethwa” di phaphašitšwe go tšwa heleng, ga go selo se sebjalo ka boModimo ba bararo.

¹⁵⁶ Bjale, ke dumela go Botate bja Modimo. Ke dumela go Bomorwa bja Modimo. Ke dumela go lebaka la Moya wo Mokgethwa la Modimo. Eupša Ke Modimo wa go swana ka go lebaka le lengwe le le lengwe, e sego boModimo ba bararo.

¹⁵⁷ Bjale, “Leineng la Tate.” Beibele ga se ya re, “Eyang le kolobetseng leineng la Tate, leina la Morwa, leina la Moya wo Mokgethwa.” E rile, “Eyang le kolobetsē,” Jesu o rile, a lebeletše morago, “Leina la Tate, Morwa, le Moya wo Mokgethwa.” E sego “leina la Tate, leina la Morwa,” leo le tla ba dira batho ka batho, eupša ga se Lona. “Leineng la Tate, gomme... .” Gomme ke lekopanyi, ka thuto ya bona ya go swana. “Leineng la Tate, le la Morwa, le la Moya wo Mokgethwa.” E sego “leineng la

Tate, leina la Morwa, leina la Moya wo Mokgethwa.” Eupša, “Leineng la Tate, Morwa, le Moya wo Mokgethwa.” Le a bona? Bjale lebelelang.

¹⁵⁸ Šefa go eme baapostola ba ba tloditšwego ba rotogela godimo go Pentecost, go amogela Moya wo Mokgethwa. Ba ile thwi go otlologa go Pentecost le go amogela Moya wo Mokgethwa. Bjale, Kereke e a hlomamišwa, re ya go dira eng? Selo sa pele se tla ntle, Taelotšhomiso e swanetše go dirwa. Ngaka Simone Petro o swanetše go ngwala Taelotšhomiso ya mathomo, ka gore Jesu o mo file pene. “Ke go fa sekgonyo, Petro. E ka ba eng o e tlemago, Taelotšhomiso ye o e ngwalago mo lefaseng, ke tla e amogela ka go Lebenkelediokobatši. Ngwala ye, gomme ke tla e amogela.”

¹⁵⁹ Ba dirile eng? Ge banna ba kwele lešata le lohle le tlie ka bophara ka mokgwa woo, ba rile, “Se se ra go reng?” Ba bangwe, ba bolela ka maleme. Ba rile, “Re kwa mediro ya go makatša ya Modimo.”

¹⁶⁰ Petro o boletše eng? “Sokologang, yo mongwe le yo mongwe wa lena, gomme le kolobetšweng Leineng la Jesu Kriste bakeng sa go tlošwa ga sebe sa lena, gomme le tla amogela neo ya Moya wo Mokgethwa.”

¹⁶¹ Bjale ba dirile eng? Ba okeditše “Tate, Morwa, Moya wo Mokgethwa” mo, ye e sa yego ka go Taelotšhomiso. Yeo ke nnete. Ke eng gape ba se oketšego? “Ga wa swanela go tšwela ntle le go dira boka ba dirile. Ga e go fe thabo le maatla, le go bolela ka maleme, le dilo tšohle tše. Ga wa swanela go ba le yona. E no dira boipolelo bja gago, šišnya seatla.” Woo ke mpholo wo mongwe gape wa diabolo. Ge se ba dirile gore ba dire ka mokgwa woo ge ba tšere Sehlare, se tla go dira gore o dire ka tsela ye e swanago. Tšea Taelotšhomiso ya Gagwe gabotse tlwa.

“Se mogokong o se šiilego, phatakalala e jele.”

¹⁶² Bjale elelwang, ge go se gwa ke gwa ba motho a kilego a kolobetšwa, ka Beibeleng, ka tsela efe kapa efe ye nngwe eupša Leineng la Jesu Kriste, Bajuda le Bantle, le ba ka ntle le se sengwe le se sengwe gape, bohole ba ile ba swanela go tla le go kolobetšwa Leineng la Jesu Kriste. Ke hlohla monna mang kapa mang go ntaetsa moo motho yo motee a kilego a kolobetšwa leineng la “Tate, Morwa, Moya wo Mokgethwa,” goba lebaka la mengwaga ye makgolotharo ka morago ga—ga lehu la moapostola wa mafelelo. Gobaneng, e pepeneneng kudu go feta menwana ya ka ye lesome pele ga ka. O ka se kgone go e bona go fihla Modimo a bula mahlo a gago. Gabotse, yeo, ge yeo e se kutollo ya maleba, gona gobaneng Petro, a bile le kutollo ya go swana, go retologela thwi morago... Matšatši a lesome ka morago ga ge Jesu a mmoditše, “Eya o kolobetše Leineng la Tate, Morwa, le Moya wo Mokgethwa,” Petro o retologetše thwi morago go dikologa, a re, “Kolobetšwang Leineng la Jesu Kriste,

yo mongwe le yo mongwe wa lena.” Gona ye e swanetše go ba kutollo ya go swana a nago le yona. Gomme kereke ntle mošola, gomme e tla ba thrinitharian, e na le kutollo ya go fošagala, gona ga ba šomiše Mothaloo wa mohlodi. Ba tšere lenkgeretla gomme ba le potokile go dikologa fale, gomme le rothetša Bophelo bja Modimo godimo fale. E tla bolaya molwetši! Oo, ke dilo tše kae gape re ka yago go tšona, ka go dithutotumelo le dilo tša lena, tše e di dirilego!

¹⁶³ A nke ke no hlakiša ye nnyane ye. Ke nyaka le ye ka gare le go tše Dibeibebele tša lena motsotso feela, kafao re ya go no e dira bonolo kudu bana ba E kwešiše. Phetlang go Mateo, tema ya 1. Le na le Mateo 28:19. Eyang go Mateo, tema ya 1, temana ya 18.

¹⁶⁴ Lebelelang fa, ke nyaka le lebelele kgauswi, *yo* ke Tate, mo go la nngele la ka, *yo* ke Morwa, mo bogareng, *wo* ke Moya wo Mokgethwa, go le letona. [Ngwanešu Branham o šomiša dilo tše tharo go swantšha—Mor.] Bjale, Tate wa Jesu Kriste ke Mang? Modimo, Tate. A yeo ke nnete? Lena bohole le dumela seo? [Phuthego e re, “Amene.”] Ka kgontha ke a dira. Modimo, Tate, ke Tate wa Morena Jesu. Tate, Morwa, Moya wo Mokgethwa.

¹⁶⁵ Bjale ke tsopola Lengwalo. Lebelelang, le ka kgona go le lebelela ge le eya gae, goba go le lebelela bjale. “Bjale matswalo a Jesu Kriste a bile ka mokgwa wo . . .” Mateo 1. Lebelelang mo, bjalo ka ge ke be ke fela ke bolela, ge o bala puku ya kanegelo, le go bala godimo kua ka morago, e no topa Mateo 28:19 ka mokgwa wo, ka go puku ya kanegelo, “John le Mary ba phetše ba thabile ge e sa le morago.” John le Mary ke mang? Eya morago go mathomo a puku gomme o hwetše John le Mary ke mang, ge A rile, “Ka gona eyang, rutang ditšhaba tšohle, le ba kolobetšeng Leineng la Tate.”

¹⁶⁶ Ke nyaka go le botšiša se sengwe. A “Tate” ke leina? [Phuthego e re, “Aowa.”—Mor.] Ka nnete ga se lona. Leineng la “Morwa.” A “Morwa” ke leina? [“Aowa.”] Ke thaetlele, go no swana le “Tate.” A “Moya wo Mokgethwa” ke leina? [“Aowa.”] Aowa, ke thaetlele. *Moya wo Mokgethwa* ke se O lego sona.

¹⁶⁷ O re, “Moya wo Mokgethwa ke leina.” Go bjalo ka *motho*. Le a bona, ke nna *motho*, eupša leina la ka ga se “*motho*.”

¹⁶⁸ Seo ke se O lego sona. Ke Moya wo Mokgethwa. Leo ga se Leina la Wona; seo ke se O lego sona. Gona ge “Tate” e se leina, “Moya wo Mokgethwa” e se leina, gomme “Morwa” ga se leina, gona ke eng Leina la “Tate, Morwa, Moya wo Mokgethwa”? [Phuthego e re, “Morena Jesu Kriste.”—Mor.] Nnete! Nnete! Bjale, le a bona, “Tate” ga se leina.

¹⁶⁹ Jesu o rile, “Eyang le ba kolobetšeng Leineng la Tate, la Morwa, la Moya wo Mokgethwa.” Petro o retologetše morago go dikologa, a re, “Ke Leina la ‘Jesu Kriste.’” Bjale, yeo ke tlwa tshepedišo ye ba e latetšego go kgabola Beibebe.

¹⁷⁰ Bjale ba dirile eng? Bafetoledi ba bona, goba banna ba kereke ba dirile eng? Mekgatlo e dirile eng? A phuthela lenkgeretla la kgale la kerekeleina go dikologa, gore a be motsebalegi le bohle. Ge eba ke swanetše go ja magogo le go nwa meetse a lekala, le go dirwa mohwelatumelo, ke tla emela Therešo ya Modimo le go hwa mo kutung. Yeo ke nnete. Ga go motho, mopapa wa Roma, goba ga go pišopo goba mohadinale, a ka emelanago le Yeo. Ee, mohlomphegi. Bothata ke eng? Se mogokong o se šiilego, se Methodist e se tlogetšego, Baptist e se jele. Se Baptist e se tlogetšego, Pentecostal e se jele. A le—a le—a lefelo! Methalo ya Bophelo yohlee ile. Se e no ba selo se sennyane.

¹⁷¹ Bjale, ke Mang “Tate, Morwa, Moya wo Mokgethwa”? “Ka gona eyang, rutang ditšhaba tšohle, le ba kolobetša Leineng la Tate, Morwa, Moya wo Mokgethwa.” “Tate” ga se leina, “Morwa” ga se leina, “Moya wo Mokgethwa,” ga go leina.

“Ke Leina lefe o bolelago ka lona?” Gabotse, seo se swana le John le Mary, a re yeng morago go hwetša e be e le eng.

“Bjale matswalo a Jesu Kriste a bile ka mokgwa wo. Ge mme wa Gagwe Maria a beeleditšwe ke Josefa pele a...pele ba etla mmogo, o hweditšwe ka Ngwana wa” (Eng?) “Moya wo Mokgethwa.”

¹⁷² Ke naganne le rile Modimo o be a le Tate wa Gagwe. Modimo a ka kgona bjang go ba Tate wa Gagwe, gomme Moya wo Mokgethwa a ba Tate wa Gagwe? Bjale le a bona, lena mathrinithi, le go goelela go Maoneness? Pitša e ka se bitše ketlele go kgamathela. Lebelelang mo, aowa. Le bona se ke se rago?

¹⁷³ Mo “Tate.” O boletše, gore, “Matswalo a Jesu Kriste a bile ka mokgwa wo. Ge mme, Maria, a beeleditšwe ke Josefa, pele ba etla mmogo, o hweditšwe a ne Ngwana wa Moya wo Mokgethwa.” Gona, “Modimo Tate” ga se a be le selo go dira le yona? Ge—ge Modimo Tate, le Modimo Moya wo Mokgethwa, e se Motho wa go swana Mong, gona Jesu o bile le botate ba babedi, gomme Mophološi wa rena e be e le ngwana wa hlabo, a tswetšwe ka meoya ye mebedi ya go fapano, goba, ka meoya ye mebedi ya go fapano. “Matswalo a Jesu Kriste a bile, O imilwe ka Moya wo Mokgethwa.” A le dumela seo? [Phuthego e re, “Amene.”—Mor.] Ka gona Modimo Tate, le Moya wo Mokgethwa, ke Moya wa go swana ka Bowona, goba O be a na le botate ba babedi.

¹⁷⁴ “Tšohle tše di dirilwe, gore go ke go phethagatšwa tše di boletšwego ke moprofeta wa Morena, a re, ‘Bonang, kgarebe e tla ba le Ngwana, gomme o tla belega Ngwana, gomme ba... Morwa, gomme ba tla bitša Leina la Gagwe’” (yo ke Yena) “JESU, e lego Imanuele,’ e lego, go hlathollwa...” Eng? [Phuthego e re, “‘Modimo o na le rena.’”—Mor.] Gona ke eng Leina la “Tate, Morwa, Moya wo Mokgethwa”? [“Morena Jesu

Kriste.”] Ka kgonthé. “Leina la Gagwe le tla bitšwa” [““JESU,””]
“ka gore O tla phološa batho ba Gagwe go tšwa dibeng tša bona.”

¹⁷⁵ Bjale, ke eng “Tate, Morwa, Moya wo Mokgethwa”? Morena Jesu Kriste. Leina la Wona ke eng? E sego leina . . . “Tate” ga se leina, “Morwa” ga se leina, “Moya wo Mokgethwa” ga se leina. Eupša Jesu Kriste ke “Morena Jesu Kriste,” e lego Tate, Morwa, Moya wo Mokgethwa, diofisi tše tharo tša Modimo di bonagaditšwe nameng, ka go Motho o tee. Haleluya! Ngwanešu, yeo ke Therešo. Kafao nthuše, Modimo, ke tla ema ka Letšatši la Kahlolo go Leo.

¹⁷⁶ Na bojane bo dirile eng? Re na le Modimo Tate godimo ka Legodimong, Modimo Morwa o dutše godimo *mo* godimo ga terone, le Modimo Mokg- . . . Ga go makatše re ka se kgone go ya felo!

¹⁷⁷ Modimo o ka go lena, le lena. “Ke tla ba le lena, le ka go lena, go fihla bofelong bja lefase. Gomme dilo tše Ke di dirago, le tla di dira le lena,” e sego Motho yo mongwe, eupša Moya wo Mokgethwa wa go swana, Motho wa go swana, Modimo wa go swana. Jesu, Morena Jesu ka Yenamong, o be a le Tabarenekele ka fao Modimo a bego a dula ka go yona, go bonagatša ka Yenamong, gobane O be a le Moya. O be a le Moya.

¹⁷⁸ Bjale, Jesu o be a se wa Gosafelego. Modimo ke wa Gosafelego. Jesu bjale ke wa Gosafelego gobane Modimo o tšere Mmele.

¹⁷⁹ Go bile nako ye nngwe, pele ga motheo wa lefase, ke be ke le Gosafelego. Ge Modimo a naganne ka nna, ke be ke gopolwa pele ga motheo wa lefase, leina la ka le beilwe ka Pukung ya Kwana ya Bophelo, gomme le la gago le bile bjalo, pele ebile go eba thoro e tee ya lešabašaba. Ke ba bakae ba tsebago seo ke Beibele? Ke ba bakae ba tsebago gore Modimo o beile leina la gago ka go Puku ya Kwana ya Bophelo pele ga motheo wa lefase? Ka gona, ka monaganong wa Modimo, re tswetšwe thwi nako yeo ka Mmušong wa Gagwe.

¹⁸⁰ Letšatši le lengwe go tlile mmele ka lenyalo le lekgethwa, tate le mme wa ka. Gomme ba ile ba mpitša, gomme ka tla mo, William Branham, o emetšwe ka mmeleng wa nama. Bjale le ntseba bjalo ka William Branham, motho. Modimo o ntsebile bjalo ka William Branham, mogopolu ka monaganong wa Gagwe Mong, le tlhagišo.

¹⁸¹ Lentšu ke eng? Lentšu ke mogopolu ge o hlagišwa. Ge A boletše gomme a re, “A a tle,” ka tla. Ge A re, “A a tle gape,” ke tla tla gape. Ee, mohlomphegi. Gomme ka fao, le a bona, mogopolu; lentšu ke mogopolu ge o hlagišwa.

¹⁸² Modimo o šetše a file Lentšu, selo se nnoši mogopolu wa Gagwe o bego o le sona, gomme O le hlagišitše. Ge A e hlagiša, e a direga. “A go be le,” gomme fao gwa ba. Modimo šoo,

mokgonatšohle, ramaatla ohle, ramaatlakamoka Jehofa. Bjale O emetšwe.

Tshepedišo bjale, go tšwetša se ntle, ba ile ba swanela go hwetša kolobetšo ya maaka go dira ye.

Le a bona, e utilwe. Lefase ga le e bone, gomme e ka se kgone go bonwa.

¹⁸³ Bjale šetšang sekgauswi, ge re sa ne nako ya go lekanelo golebjalo go—go tswalela le go ba le mothalo wa thapelo. Go lokile. Ke bile botelele go feta ka fao ke bego ke gopola gore ke be ke le, godimo ga yona. Motsootsa feelsa bjale, ke na le se sengwe gape ke nyakago go le botša.

¹⁸⁴ Kagona, “Tate, Morwa, Moya wo Mokgethwa” ke Modimo yo motee wa therešo. O na le Leina le tee. Leina la Gagwe ke Jesu Kriste. O tswetšwe a le Kriste Morena ge A tswalwa. Yena, Kriste, go ra “Yena motlotšwa.” Morena go ra “bong.” O be a le “bong” le “Morena.” Gomme ka gona Modimo o tlie fase le go dula ka go Yena, go Mo dirilego bobedi Tate, Morwa, le Moya wo Mokgethwa; Alefa, Omega, Mathomo le Mafelelo; Yo a Bego a le Gona, A Lego gona, gomme A Tla Tlago; Modu le Lehlogedi la Dafida, bobedi Modu le Lehlogedi la Dafida; Naledi ya Moso, wa Pele le wa Mafelelo. Yoo ke Yena. Oo!

¹⁸⁵ “Se mogokong o se tlogetšego.” O ka kgona bjang go rapela ntle le ge o tseba se o se rapelago? O ka kgona bjang go ba wa semoya ntle le ge o na le Moya wo Mokgethwa ka go wena? Ge gohle o tlemilwe le sehlophsa sa dithutotumelo tša kereke, o tla go dira gore o dire bjalo ka batho ba kereke, le—le seriti le bodumedi, le dilo tša go swana le tše. Tše. Tšohle ke tše botse, ditiro tša maitshwaro.

¹⁸⁶ Eupša, ngwanešu, o swanetše go tswalwa gape ka Moya wo Mokgethwa wa mmapale wo o tlago feelsa ka Lentšu la Modimo. Gomme Lentšu la Modimo la therešo, ge Le etla ka go wena, Le tla bonagatša Therešo. “Yena, Moya wo Mokgethwa, O tla tla. O tla paka ka Nna. O tla bonagatša Therešo. O tla tsea dilo tše Ke le laeditšego tšona, a laetsa dilo tše Ke di boletšego, gomme o tla di laetsa go lena. Moya wo Mokgethwa o tla dira.” Se A tla se dirago, šole Yena.

¹⁸⁷ Se mogokong o se šiilego, phatakalala e se jele. Gomme se Katoliki e se tlogetšego, Lutheran e se jele. Gomme se Lutheran e se llego, ya tlögela, Methodist e se jele. Gomme se Methodist e se tlogetšego, Pentecostal e se jele. E fihlile kae? Tlhakahlakano yohle ye ya sebe, dilo tšohle tše, dithuto, dilo tše dingwe re ka kgonago go di bolela, oo, nna, go šikinya diatla, gofafatša ka meetse.

¹⁸⁸ Ke mang a kwelego ka ga gofafatša? Mpontšhe yona ka Beibeleng. Ke mang a kwelego ka ga go tšollela meetse? Mpontšhe yona ka Beibeleng. Kolobetšo e tšwa, lentšu go kolobetša, le rago go “bolokwa le go khupetšwa.” Nnete. Yeo ke

Therešo ya Lentšu la Modimo. Oo, re bile le nako, re ka ya pele le pele le dilo tša maaka.

¹⁸⁹ Ke bolela se, batho barategi ba ka. Ntheetšeng. Ke tla ema le lena letšatši le lengwe ka Letšatšing la Kahlo. Ke tla swanela go arabela. Nka se tsoge ka arabela go thutotumelo. (Kafao nthuše, Modimo!) ke tla arabela go Beibele. Yeo ke Puku ke tla emago ka yona.

¹⁹⁰ Ga go na lefelo ka Beibeleng moo gore ba kile ba amogela Moya wo Mokgethwa ntle le go ba le maikutlo, go bolela ka maleme, le go goelela, le ditumišo tša Modimo, le diprofeto, le diponagalo. Ga se nke ba ke ba no sepelela godimo le go šikinya diatla le moreri le go sepela.

¹⁹¹ Ga go lefelo ka Beibeleng ba kilego ba amogela, ba kilego a kolobetšwa, ka ntle ga go kolobetšwa Leineng la Jesu Kriste.

¹⁹² Fao ga se gwa ke gwa ba lefelo ka Beibeleng ba kilego ba ruta thrinithi. Ka mehla e be e le “Modimo yo motee.” “Lena kwang, O Israele, Ke nna Morena Modimo wa lena, Modimo o tee! Le se be le badimo ba bangwe pele ga Ka. Ke nna Morena Modimo wa lena.” E sego Tate, le Morwa, le Moya wo Mokgethwa, eupša “Ke nna Modimo!” Go ya go ile, Yena ke Modimo! Yena ka mehla o be a le Modimo. Yena ka mehla o tla ba Modimo.

¹⁹³ Gomme ge kerekeleina e tla go uša, ge o etla phuthegong le go leka go bontšha lerato la boena, ebile le dikerekemaina tša bona, go leka go topa le go phološa se o se kgonago, go ba gogela ka gare, go dumelela Modimo go tšea ka moka ga yona. Gomme ka gobane gore le ema go Ditherešo tša Beibele, ba a le raka. E ka se kgone go ba selo eupša mathaithai a fase a diabolo, go hwetša bana go tšwa go tleng ka gare go bona kopano le go phološwa. Yeo ke nnete.

¹⁹⁴ Leswika la go tia la Lentšu la Modimo šelela. Ke tla tšea motho e ka ba mang, nako efe kapa efe yeo ba nyakago, le go ya le bona ka lerato la baena, gomme ke nyaka le ntaetša selo se tee seo ke se boletšego seo e sego Therešo ya Beibele. Ee, mohlomphegi. Ke therešo. Bjale, ka baka la gore o a O emela, o a rakwa. Ke e letela go ba ka tsela yeo. Modimo o rile e tla ba ka tsela yeo.

¹⁹⁵ Ba Mo dirile ka tsela ya go swana. “O hweditše kae go ithuta? O tšwa go sekolo sefe? O Eng, Mofarisei goba Mosadutsei?” O be a le Morwa wa Modimo yo a phelago, ga se A tsee lehlakore le e tee la tšona.

¹⁹⁶ Kafao nthuše, Modimo, a nke ke be le bohlalehlale go lekanel, a nke ke be le kokwane go lekanel, a nke ke be monna go lekanel, a nke ke be Kriste go lekanel, go ema ke nnoši (ge ke ema, ke swanetše go ema ka tsela yeo) le go bolela Therešo, le go ema. Ee, mohlomphegi. Bokaone ke rere Ebangedi go batho ba bahlano, go phala go ba le dimilione tše di kwago. Bolela Therešo. Ga se nke ka itšimeletša. Ke be ke nyaka se, ka baka la gore Modimo o mpoditše maswao a magolo a le dilo tše di

tšweletšwago, boka ponagalo ya tsogo ya Gagwe, le go ya pele, ke bakeng sa Kereke. Batho bale ba go šokiša ntle fale, le go tlengwa ka go tšona dithutotumelo le dilo, ba be ba kitetšwe kudu, boka go omiša.

¹⁹⁷ Modimo a šegofatše pelo ya gago. Nka se go tlogele ka seemong seo. Ke tla le botša se Modimo a se boletšego, "Eupša Ke tla bušetša go lena tšohle tše phatakalala e di jelego, tšohle tše bojane bo di jelego, tšohle tše mogokong o di jelego. Ke tla bušetša, go rialo Morena!" Kafao nthuše, ke dira seprofeto se. Pele ga go Tla ga Morena, Tumelo ya therešo ya seapostola, Thuto ya therešo ya seapostola, Moya wa therešo wa Beibele, therešo, E tseleng ya Yona bjale, go leka go ja tsela ya Yona godimo, go gola gape.

¹⁹⁸ Mapentecostal ba bile le yona, sa mathomo. Ba dirile eng? Ba thadile morungwana wo monnyane go E dikologa, ba thoma go itlhophpha. Gomme O E kgaotše thwi. Yeo ke nnete tlwa. Mo go tla mmogo, ge Morena a rometše dimpho tše, dimpho tše nnyane tša go kokobela tše A mphilego tšona. Ba tšwelapele ba etla, ba nnyaka ke be tšollelo yela ya kgogolamoko; ba e dirile mokgatlo go tšwa go woo. Ba nnyaka ke tle go tšoena Assemblies.

¹⁹⁹ Ke eme thwi ka bogareng bja lekala le lengwe le le lengwe leo le lekeletšego ntle fale, thwi fa mo kutung ya Mohlare, gomme ka re, "Wo ke Motheo. Kgaola methalo ye ya kgale ya lenkgeretla mo, gore Bophelo bo kgone go tsena ka go lena, gona le tla ba le diprofeto, le tla ba le go hlatha, le tla ba le Moya, le tla ba le maatla. Le tla ba le pušetšo ya Kereke ya therešo, ge le fihla morago go Morara wa therešo le Bophelo bja therešo."

²⁰⁰ E ka se kgone go tla ka lenkgeretla leo le E wetšago fase thwi, gomme la re, "E be e le letšatši le lengwe. Ke letšatši le lengwe." Go ya go ile go a swana. Ke Yena Alefa le Omega; Mathomo le Mafelelo. Ka go felela. O tla swanelo go tla morago go Motheo, ka gore, "Godimo ga leswika le Ke tla aga Kereke ya Ka, gomme dikgoro tša hele di ka se kgone go fenza kgahlanong le Yona."

²⁰¹ Modimo a le šegofatše, bagwera. Ke a tseba le nagana ke no ba lešata gannyane nthathana, gannyane go tšwa lenaneong, eupša ga ke. Ke nagana gore ke lenaneong le Lentšu le.

²⁰² Mo—mo Moya wa Modimo o fa, Moya wa go swana woo o ngwadilego Beibele. Ge Moya wo o ngwadilego Beibele, o tla re "amene" nako le nako Mantšu a Beibele a bolelwa. Ge, *fao*, yo mongwe le yo mongwe o kolobeditšwe Leineng la Jesu Kriste, Moya wa therešo wa Modimo o tla re, "Amene. Yeo ke Therešo." Gomme Beibele e rile, "Jesu Kriste, wa go swana maabane le go ya go ile," "Ke tla ba le lena ka mehla, ebile le ka go lena, go fihla bofelong bja lefase," Moya wa therešo wa Modimo o tla re, "Amene." Gomme ge woo e le Moya wa Modimo wa therešo, gona maatla a therešo le diponagalo tša Moya di tla bonagatša Wonamong le Moya wo wa therešo. Ahlolang Lentšu leo le le

kwago. Le ahloleng ka Beibele. Šetšang ditiro tša Lona. Šetšang mediro ya Lona.

²⁰³ A go na le batho ba ba nyakago go kolobetšwa mo, ba ba sego ba ke ba kolobetšwa, ba nyakago go kolobetšwa? Phagamiša seatla sa gago. Go lokile.

²⁰⁴ Ge go se ne go kolobetša gona, go lokile, gona re tla rapelela balwetsi. A go na le yo mongwe mo yo a babjago? Emišetša seatla sa gago godimo, a nyakago go rapelelwa. Ke ba bakae mo ba e lego basetsebje magareng ga renā, gomme ba nyaka go rapelelwa; Ga ke le tsebe, gomme ga ka tlwaelega, ga ke le tsebe? Go lokile. Balwetsi le batlaiswa, ga ke le tsebe.

²⁰⁵ Ge Modimo e le Modimo, ge A le Modimo wa Lentšu leo ke le rerago; Jesu o rile, “Dilo tše Ke di dirago le tla di dira le lena.” A yeo ke nnete? Jesu o rile, “Dilo tše Ke di dirago le tla di dira le lena. Bontši go feta wo le tla dira, gobane Ke ya go Tate.” E be e le eng? Go retologa go tloga go Monna, mmele, morago ka go Pilara ya Mollo gape. Ge Paulo a kopane le Yena tseleng go ya Damaseko, O be a le eng? Pilara ya Mollo. A ke nnete? Ka kgontho o be a le. Ke Yena eng lehono? Ke Yena eng ka go seswantšho *sela?*

O re, “Oo, o ka kgona go bolela seo, Ngwanešu Branham.”

²⁰⁶ Ge therešo yeo e le therešo ya Modimo, ge E le Pilara ya Mollo ya go swana, Jesu Kriste wa go swana, ke tleleima Moya wa Gagwe o tlide ka go nna, O tla dira selo sa go swana A se dirilego. O tla dumelana le Lentšu le lengwe le le lengwe A le boletšego, ga go kgathale ke dithutotumelo dife dikerekemaina di tla di bolelago. O tla bolela Lentšu la Gagwe. O Le boletše.

²⁰⁷ Gosedumele ga bona ga se go Mo thibebe. Dithutotumelo tša bona le kerekeleina, ga se nke A tšeа lehlakore le e ka ba efe ya tšona. O rerile Ebangedi ya go se otswafatšwe ye A e kwelego go tšwa go Modimo. O eme a nnoši. Nnete, O dirile. Godimo ga Khalibari, fao go be go se le yo motee a bego a ka ema kgauswi le Yena. O be a eme a nnoši.

²⁰⁸ Ge o nyaka eng kapa eng, o tla emela Modimo, o tla ema o nnoši. Ke wena! Ga se lefase, ga se kereke ya gago, ga se kerekeleina ya gago. Ke wena, gare ga gago le Modimo. Ga ke kgathale se . . .

²⁰⁹ Tabarenekele ya Branham e ka kgona go dira se ba nyakago go se dira. Ke ba nyaka ba dumele Modimo; ke ba nyaka ba tle mmogo. Eupša ge ba sa dire, ga ke ye go itšimeletša le bona ka go selo sa bona se sennyane sa lefeela. Ke tla emela Modimo.

²¹⁰ “Methodist. O tla dira eng, Ngwanešu Branham? Ma—ma Pentecostal ya thrinitarian?” Ke netefaditše ke a ba rata. Ke ile go bona, le go romelwa ka go Assemblies of God le church of God.

²¹¹ “Gomme ge Oneness, le ganetšana le Oneness ka lebaka la ya bona ‘tee’ e emego, ka mokgwa woo.” Ee, mohlomphegi. Jesu o bile le Tate. O be a le Modimo. Ba kolobetša Leineng la “Jesu.”

Ke kolobetša Leineng la “Morena Jesu Kriste.” Go na le boJesu ba bantši, eupša go na le yo motee feela Morena Jesu Kriste. Le a bona? E sego ka go “Leina” la Jesu. Eupša Leineng la “Morena Jesu Kriste,” yoo ke Tate, Morwa, Moya wo Mokgethwa.

²¹² *Morena*, “Morena o rile go Morena wa Ka, ‘Dula ka seatleng se setona.’” Morwa, *Jesu*. *Kriste*, Logos yeo e tšwilego go Modimo, mo mathomong. Tate, Morwa, le Moya wo Mokgethwa. Ke lena bao.

²¹³ Oo, ke e thabetše kudu! Pelo ya ka e no hlalala! Gomme go tseba gore Moya wa Gagwe, Moya wo o ngwadilego Lentšu, o dumelana le Lentšu, o netefatša mothalo wa Bophelo. E tla ka gare, e iponagatša ka Boyona. Modimo a be le lena. Ke Jesu Kriste Morwa wa Modimo. Ke boletše Therešo ka Lentšu la Gagwe.

Bjale lena, lena batho ba tabarenekele, ke a le rapediša ka dinako tše dingwe. Re thari. Ke be ke le godimo gannyane nthathana, ka kitimela godimo nthathana gannyane. Ke be ke letetše sehlopha go kolobetšwa.

²¹⁴ Lebelelang. Ge Moya wo Mokgethwa o le fa, re tla... O tla—O tla le fodiša. Ke nyaka batho bale ba lego basetsebje ka dikgorong tša rena, bao—bao ba babjago le go tlaišwa. Gomme bjale ge ke boletše Therešo ka Modimo, gomme batho ba ba boletše therešo, gore ga ke ba tsebe, gomme ba a babja le go tlaišwa; ge Moya wo Mokgethwa o dula o swana, A ka nkutollela. Ge woo e le Moya wo Mokgethwa wa go swana, gomme O kgomagana le kutu ya go swana tlase *fa* yeo bojane bo e jelego go yona, eupša go na le seripa se sennyane sa sekgamathi se kitimela tlase *kua*, se kgomaganya se mmogo, e tla šoma feela boka e dirile tlase fale.

²¹⁵ Dithutotumelo tša kereke di tla re, “Oo, seo ga sa loka. Seo ke go bala monagano. Yoo ke di—di diabolo. Yoo ke go bolelamahlatse.”

²¹⁶ Ba boletše selo sa go swana ka Yena. “Ge ba bitša Mong wa ngwako ‘Beletsebubu,’ ke bontši gakaakang ba bitšago barutiwa ba Gagwe?” Nnete. Go le bjalo seo ga se e emiše. Seo se no e oketša, go e dira e ye pele.

²¹⁷ Bjale, a O sa le Modimo? A O a swana maabane, lehono, le go ya go ile? A O hlompha Lentšu la Gagwe? O a dira.

²¹⁸ Gomme ke phegelela yo mongwe le yo mongwe wa lena, ge o se wa ke wa kolobetšwa Leineng la Jesu Kriste, kolobetšwa Leineng la Jesu Kriste. Ga ke kgathale se lenkgeretla la kereke la kgale le se bolelago. Leo ke kere...

²¹⁹ Gomme ke a tseba banna ba ke ba tlišitšego thwi ka go boithutelo bja ka, le go ithuta. Go dikologa banna ba go loka, ke tla re, “Etlang mo motsotso. Ntaetšeng mo le kolobeditšwego

leineng la ‘Tate, Morwa, Moya wo Mokgethwa,’ ge yeo e le ya Lengwalo.”

²²⁰ Gomme ge a pinyeleditšwe fase, a re, “Ke a e tseba, Ngwanešu Branham, eupša o se ke wa fa se go nna.” Le a bona?

²²¹ Ke rile, “Thekgang thuto ya lena, mpontšheng moo o tee. Yo mongwe le yo mongwe ka Beibeleng, ba . . .”

²²² Ba bangwe ba kolobetša, go se leina le gatee, ba ile ba swanela go tla le go kolobetšwa gape, pele ba hwetša Moya wo Mokgethwa. Ke ba bakae ba tsebago seo? Paulo o fetile go kgabola mabopo a godingwana a Efeso, o hweditše Mabaptist. Ba bile le yo mokaone . . . Ba bile le modiša yo mokaone. O be a le ramolao yo a sokologilego, Apollo. Gomme o rile go bona, “A le amogetše Moya wo Mokgethwa ge e sa le le dumetše?”

²²³ Ba rile, “Ga re tsebe ge eba go na le Moya wo Mokgethwa wo o itšego.”

²²⁴ O rile, “Gona le kolobeditšwe bjang?” E bolela ka go King James, “go eng.” E baleng ka setlogong, e re “bjang.” “Go eng” e ra selo sa go swana. “Le kolobeditšwe bjang?”

²²⁵ Ba rile, “Re kolobeditšwe go Johane, monna wa go swana o kolobeditše Jesu.” Yeo ke kolobetšo ye botse. “O sepeletše ntle ka meetseng, yena wa go swana yoo a kolobeditšego . . . Johane.”

²²⁶ Gabotse, Paulo o rile, “Yeo e ka se sa šoma gape. Yeo ga e sa lokile gape. O šetše a tlie, a bapotšwe. Gobane Johane o kolobeleditše go tshokologo, e sego go tlošwa ga dibe, a re le swanetše go dumela go Yena yoo a tlago, Jesu Kriste.” Gomme ge ba kwele se, ba sepeletše ntle ka meetseng gomme ba kolobetšwagape gape, Leineng la Jesu Kriste. Paulo o beile diatla tša gagwe godimo ga bona, Moya wo Mokgethwa o tlie godimo ga bona. Ba profetile le go bolela ka maleme. A ke nnete? Paulo o gapeleditše banna ba ba kolobeditšwego ke monna wa go swana yo a kolobeditšego Jesu, o ba boditše ba tla swanela go kolobetšwa gape, gobane ba be ba se ba kolobetšwa Leineng la Morena Jesu.

Ke na le tokelo go bolela selo sa go swana. Ke Thuto ya go swana.

²²⁷ Bjale, Paulo o boletše eng ka go Bagalatia 1:8? Bjale, o dirile seo. Ke ba bakae ba tsebago seo ke Therešo? E reng, “Amene.” [Phuthego e re, “Amene.”—Mor.] Gomme o rile, “Ge Morongwa go tšwa Legodimong,” ga re bolele ka moreri go tšwa kerekeng goba kerekeleina! “Ge Morongwa go tšwa Legodimong a etla le go rera ebangedi e ka ba efe ye nngwe ntle le Ye, a nke a be morogakwa. Bjalo ka ge ke boletše pele, kafao ke bolela gape, le ge rena goba Morongwa go tšwa Legodimong a rera ebangedi e ka ba efe ye nngwe ntle le Ye yeo le šetšego le e kwele.” Le bona moo bojane bo E jelego? Le a bona? “Eupša ge mo—mo Morongwa a rera e ka ba

eng ye nngwe ntle le se Ye e lego, a nke a be go lena morogakwa.”
Yeo ke nnete. A nke a be morogakwa. Ebile o se mo fe šedi.

²²⁸ Gomme ge modiša, ge moromiwa, ge mo—mo moebangedi, goba e ka ba mang, a leka go go gapeletša go kolobetšwa ka tsela ye nngwe eupša Leineng la Jesu Kriste, a nke ke bolele le Paulo, “A nke a be morogakwa.” Ge motho e ka ba ofe a go botša, “Šikinya diatla le moreri gomme o tla amogela Moya wo Mokgethwa,” a nke a be morogakwa. Ka gore, Moya wo Mokgethwa ke Tswalo. Ba O nyaka o itira wa setaele ka bowona.

²²⁹ Yo mongwe le yo mongwe o a tseba, ke rile pele, tswalo ke tlhakahlakano, ga ke kgathale mo e lego. Ge tswalo e le ka go ntlopolokelo, ke tlhakahlakano. Ge e le ka ntlong, ke tlhakahlakano. Ge e le ka sepetlele, ka go ye pinki, kamora ya go kgabišwa, ke tlhakahlakano. Tswalo ka mehla ke tlhakahlakano.

²³⁰ Gomme Tswalo ye mpsha ga se selo bonnyane. Ke tlhakahlakano; go lla le go sehumula, go no tširoša, dipounama tša go kekeretša, le mehuta yohle ya go ya pele. Ke tlhakahlakano, eupša e tliša Bophelo. Tsela e nnoši o ka kgonago go e dira.

²³¹ O se ke wa tšea go šišinya diatla, goba go bea leina la gago godimo ga kereke ye nngwe, eya godimo gomme o re, “Ke dumela go Modimo Tate Ramaatlakamoka, Mohlodi wa magodimo le lefase; le Jesu Kriste, Morwa; kereke ye kgethwa ya Katoliki ya Roma; le selalelo sa bakgethwa.” Ge o dira, o hlatsela gore o ramemoya.

²³² Eng kapa eng ye e boledišanago le bahu, ga ke tshwenyeye gore ke eng, ke diabolo. “Go na le Mmoelanyi yo motee feela gare ga Modimo le batho, yoo ke Monna Jesu Kriste.” Gomme Yena ga se a hwa, eupša O a phela. Gomme O mo bjale; O tsogile go tšwa bahung. Bohle bakgethwa ba bangwe ba Katoliki le bakgethwa ba Protestant, le e ka ba eng gape, o hwile gomme o ka lebitleng. Ba ka no ba Letagong. Ge ba be ba le bakgethwa, ba Kua. Ga ke kgathale moo ba lego, ge o boledišana le bona, ka go felela o tshela melao ya Modimo le go ya go kgabola diabolo. Ga se mokgethwa. Nnete. Beibele e boletše bjalo.

²³³ Mogokong o jele woo, le wona, eupša Modimo o tla o bušetša morago go wa therešo, Moya wa go phela wa Modimo wo o sa boledišanego le Mokgethwa Jude tsoko, le Mokgethwa Yo, le Mokgethwa Yola, le Mokgethwa Cicilia, le bohole ba bangwe ba, le ba bangwe bakgethwa ba. E tla ba Moya wa Jesu Kriste woo o tla tlago morago le go iponagatša Yenamong le go dira sona selo sa go swana. “Ke tla bušetša, go rialo Morena.” Gomme ke leboga Modimo, lehono, godimo ga lekala la Kereke godimo *mo*, go ne Bophelo bjo bonnyane bo thoma go thelelela godimo go kgabola Kua. Bo bonagatša Yenamong. Modimo o tla bušetša Kereke ya

go tlala morago go leemo la Yona la maleba gape, pele ga go Tla ga Morena.

²³⁴ Morena Jesu, tirelo ke ya Gago. Ke no ba le boikarabelo ka Lentšu, go Le rera. Bjale e dirilwe. E ka diatleng tša Gago, Morena. Ke a rapela gore ka go la Kriste Leina, gore O tla amogela dilo tše, le ka go seetša se Le rerilwego ka go sona, Morena. A nke, ge letswalo e ka ba lefe le gobatšwa, a nke le fodišwe ke Moreku wa Gileada. A nke bao, Morena, ba dutšego mo ba ba fafaditšwego, ba golobetšwego, goba ba karabeditšwego ka go bomodimo ba bararo, a nke ba bone phošo ya bona, Morena. Nka kgona . . . ga go kgathale ke tla rera bontši gakaakang.

²³⁵ Ge O be o rera le go dira selo sa go swana, gomme efela mahlo a bona a be a foufetše. “Ga go motho a ka tlogo go Nna ntle le ge Tate wa Ka a mo goga.” Gomme le ge O rerile le go dira mehlolo, le go netefatša gore O be o le Mesia, efela ga se ba kgona go dumela, gobane Jesaya o boletše gore ba tla ba ka tsela yeo.

²³⁶ Gomme nka no oketša se, gore, lehono, le ge O dirile dilo tše ntsi kudu, O tlišitše Lentšu la Gago la therešo ntle, go Le tliša morago ka go motheo wa boapostola, go Le bea fase go tlhohlo, gore Ke Therešo, gomme ka gona O tla thwi morago ka morago ga Lona le go dira mohuta wa go swana wa mehlolo ye O e dirilego ge O be o le mo lefaseng. Go direga eng? Ba ka se kgone. Gobane, Paulo o rile, ka Moya (boka Jesaya a boletše), “Ba tla ba hlogothata, ba menagano ya godimo, barati ba maipshino go feta barati ba Modimo, babatasekgoro, baphari ba maaka, basekgotsofale, le banyatši ba bao ba lokilego; ba na le sebopego sa bomodimo, eupša ba gana Maatla a bjona. Go ba babjalo retologa o tloge.”

²³⁷ Morena, ke a rapela lehono gore O tla iponagatša Wenamong le—le go dira la Gago—dira Lentšu la Gago go phela magareng ga rena feela bjale. Ka gore re e kgopela Leineng la Jesu. Ge O ka e dira, Morena, bona bohle ba tla dumela. Re tla sepela go tloga tabarenekeleng ye mosong wo, re dumela gore soulo ya rena e hlakodištšwe, ge O ka no (dumela) e romele go bona, Morena, gomme bolela le pelo ye nngwe le ye nngwe, ge re šetša bakeng sa go hлаtha ga Gago.

A nke Moya wo Mokgethwa, Bophelo bja therešo bja Modimo, bo tle ka go karolo ye nnyane ye ya lekala le le šetšego. O Morena, le matlafatše ka Moya wa Gago. A nke e . . . E bea bohlatse, Morena. Bea bohlatse, Lentšu la Gago le a rereša. Motho yo mongwe le yo mongwe ke moaketsi; Wena o Therešo. Ga go kgathale ke ba bakae ba fetogago kgahlanong; ge go tšeа bohwelatumelo, go tšeа go rakwa, go tšeа go ba le masolo, go fao o swanetšego go no tšeа monna yo motee le go ema godimo . . . Bana bale ba go šokiša ba Modimo, ba tla tšwela ntle, go le bjalo, go sa kgathale. Ba tla tla, go le bjalo, go kwa.

²³⁸ “Dinku tša Ka di tseba Segalontšu sa Ka, yo šele di ka se mo latele.” Segalontšu sa Gago, ka tsela ye Se biditšego dinku tša Gago lekga la mathomo, Se bitša gape. Gomme mosetsebje di ka se mo latele. Ge Segalontšu sa Gago, seo se biditšego dinku tša Gago, se rile, “Sokologang, yo mongwe le yo mongwe wa lena, gomme le kolobetšweng Leineng la Jesu Kriste,” Dinku tša Gago di Se kwele. Dinku tša Gago di kwa selo sa go swana lehono. Ge yo motee a rile, “Oo, seo—seo ke selo sa molwalekriste. Kolobetšwang, leina la ‘Tate, Morwa, Moya wo Mokgethwa,’” mosetsebje di ka se mo latele. Di tla tseba Segalontšu sa Gago. Di tla šetša bakeng sa mediro ya Gago. Ke a rapela, Tate, gore O tla fa tšohle. Segalontšu sa Gago se boletše, a nke mediro ya Gago e latele. Leineng la Jesu. Amene.

[Ngwanešu o bolela ka maleme—Mor.] Bjale, mogwera, Moya wo Mokgethwa o a sepela.

²³⁹ Bjale ke ya go retollela mokokotlo wa ka go batheeletši ba. Bjale, ga ke nyake lena batho ba le lego mo tabarenekeleng ye, bokaone ke lebelele ka tsela *ye*, Ga ke nyake e ka ba ofe wa batho ba tabarenekel; ke nyaka lena bao le sego la ke la ba mo pele, goba le a tseba gore ga ke le tsebe. Batho ba go tšwa ka ntle ga toropo, phagamišang diatla tša lena gape, moo nka kgonago go bona moo le lego, gore le a babja. A nke Moya wo Mokgethwa o sepele bjale. Bjale, go lena batho, ga ke le tsebe.

²⁴⁰ A le na le dikarata tša thapelo? A ba file ntle thapelo e ka ba efe...? [Lefelo la go se be le selo godimo ga theipi—Mor.]...ba kgwathile.

²⁴¹ Gomme a nke A e dire bonnyane makga a mabedi. Beibele e rile, “Ka molomo wa...” Ke dihlatsé tše kae? “Tše pedi goba tše tharo.” A yeo ke nnete? “Dihlatse tše pedi goba tše tharo, a nke lentšu le lengwe le le lengwe le eme.” Tšeang bonnyane ba babedi goba ba bararo ba lena, gona ka moka ga lena le a dumela. E ka ba eng o e hlokago, o a e dumela gonabjale.

²⁴² A o tla e dira, ge A ka e dira? Phagamiša seatla sa gago, e re, “Ke tla—ke tla—ke tla e tše ka tumelo, ke no phagamiša seatla sa ka.” A le tla e dira? Phagamišang diatla tša lena, yo mongwe le yo mongwe ka fa. Ke ba bakae ka fa bao ba rego, “Ga se nke ka ke ka e bona pele. Ke tla e tše ka tumelo, le nna”? Phagamiša seatla sa gago, o re, “Ke tla se tše ka tumelo.” Lebelela fa.

²⁴³ Bjale le bona mo ke emego? Go na le tlhohlo mo. Bjale, ge A le Modimo, O tla iponagatša ka Yenamong. Ge ye e se Therešo, gona ke nna moaketši le moprefeta wa maaka. Ga wa swanelia go tsoge wa tla go nkwa gape, gobane ke nna moprefeta wa maaka; ke fa hlatse ya Kriste yeo e sego nnete. O ka se kgone go e dira le go netefatša thuto ye ke bilego...[Lefelo la go se be le selo godimo ga theipi—Mor.]

²⁴⁴ O a tla. O tšwa mo, tabarenekel, a ga o, mohumagadi? O dutše fale ka seatla sa gago godimo, kefa ye nnyane ye tšhweu

godimo. Ya. O tšwa fa. Le a bona, ge ke bona gore fao, batho ba goga pono yeo. Ke kgona go Le bona le eme thwi godimo ga bona.

²⁴⁵ Eupša ke letile yo mongwe yoo ke sa mo tsebego. Mo, wena go tšwa tlase ka tabarenekeleng mo, mohumagadi yo a nago le sakatuku sa gago godimo ka mokgwa *wo*, o dutšego thwi mo? A o tšwa . . . Wena, wena o—wena o tšwa ka ntle ga toropo? Emelela ka maoto a gago motsotso. Ge o be o dutše fale, o rapela, go be go ne maikutlo a rilego a go aroga a etla godimo ga gago, ka bjakobjako. Yoo e be e le Morongwa wa Morena. Bjale O eme thwi hleng le wena bjale. Bjale go na le se sengwe, gore o Mo kgwathilego. Ga ke tsebe gore ke eng. Eupša o tšwa ka ntle ga toropo. O ka kgona go ba go tšwa Louisville, goba Tennessee, goba e ka ba kae o ka bago. Ga ke tsebe. Modimo o tseba seo. Eupša ge A ka utolla go nna se o . . . sephiri sa pelo ya gago, a dira go tsebja tlhologelo ya gago—ya gago, goba se sengwe gape, a o tla dumela, go amogeleng Lentšu, go direng se sengwe le se sengwe feela bjalo ka . . .

²⁴⁶ Bjale lena batho bohle, le lebeletše thwi go mosadi, le tla bona. Bjale a nke Moya wo Mokgethwa, ge A sa le Moya wo Mokgethwa, a nke A e utolle. O se boife. Yena ke Modimo. O boloka Lentšu la Gagwe, Lentšu le lengwe le le lengwe.

²⁴⁷ Mosadi o tlaišega ka go phuhlama, seemo sa letšhogo. Yeo ke nnete. Phagamiša seatla sa gago. O na le bothata bja pelo, le wena. Yeo ke pelo ya go tšhoga. E go kweša bohloko ge o robala fase, e go kgama go feta. O bile le karo. Karo yeo ga se ya fola le bjale. Yeo ke nnete. A ga se yona? Aowa, ga o tšwe Ohio. . . . O tšwa Ohio. O tšwa Ohio. Ee, mohlomphegi. O na le morwalo godimo ga pelo ya gago. Ke mosetsana yo mongwe, goba se sengwe. Ke morwedi, o timetše. Seo ke O RIALO MORENA. Sepela, amogela se o se kgopetšego, mohumagadi. O kgwathile Sengwe. A o a dumela?

Ke mang gape a bilego le diatla tša bona godimo . . . ? [Ga go selo lefelong la theipi—Mor.] . . . ka fa?

²⁴⁸ O a dumela Modimo a ka nkutollela sephiri sa pelo ya gago? O a dumela ke Modimo wa go swana ke bego ke rera ka yena mosong *wo*? O na le moriti wo moso godimo ga gago, ke kankere. A o a dumela gore Modimo o tla go fodiša? O a dira? Go lokile, mohlomphegi, gona o ya morago Ohio moo o tšwago gona, Lebanon, eya morago gomme o dirwe go fola, o dumela go Morena Jesu Kriste. Eya, dumela.

²⁴⁹ Mohumagadi yo monnyane yo a dutšego thwi mo, mohuta wa . . . O na le mohuta wa sebabu sa letlalo. Emelela, hani. O a dumela? Mohuta wa go go tšoša gannyane nthathana, a ga se? Go lokile. Ke . . . O ya go fihla godimo ga yona. O ya go ba gabotse. Ke a go bona, moragwana. Eya gae, o fole.

²⁵⁰ Ke mang motho yola a emeletšego feela metsotso e se mekae ya go feta? Monna tsoko morago fale o eme, felotsoko. Wena ka

seatla sa gago godimo, emeleta ka maoto a gago. O a dumela Jesu Kriste a ka mpotša se bothata bja gago e lego? O a e amogela? Dumela lehuto leo le tla tloga molaleng wa gago? Mosadimogatša wa gago a dutšego fale hleng le wena, a sotlega ka seemo sa letšhogo. Yeo ke nnete, le yona. Lena bohle le tšwa Ohio. Bea seatla sa gago godimo ga gagwe fao, ngwanešu.

²⁵¹ Morena, a nke ba fodišwe, ba ye morago legaeng la bona, ba thakgale le go dirwa go fola, ka Jesu Kriste Morena wa rena. Amene.

²⁵² [Lefelo la go se be le selo godimo ga theipi—Mor.] . . . yo mongwe kgaušwi le wena. Tšeang Lentšu la ka; ke le botša Lentšu la Modimo. Le a Le dumela bjale? Bohle ba ba dumelago, e reng, “Amene.” [Phuthego e re, “Amene.”] Lentšu le dirilwe go bonagala. Ke Therešo.

Bjale inamišang dihlogo tša lena.

²⁵³ Morena, ke tla go Wena ka Leina la Jesu, go rapelela batho ba. Go thari, Morena. Gomme ka kgonthe go thari go feta re nagana. Ke go Tla ga Morena, go batametše. Re a rapela gore dikgaogelo tša Gago di tla katološwa. Ba fe, Morena, phodišo ya bona. Bjale ke ahlola diabolo, go Seetša sa Lentšu la Modimo; gore Yena ke Morwa wa Modimo, gore Jesu Kriste Morwa wa Modimo o a swana maabane, lehono, le go ya go ile, kolobetšo yela ya meetse Leineng la Jesu Kriste ke ya go nepagala. . . . 

MOGOKONG, TŠIE, BOJANE, PHATAKALALA NST59-0823
(Palmerworm, Locust, Cankerworm, Caterpillar)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Agostose 23, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org